

# ساحة آداب

مرواية

أحمد مصطفى

ساحة آداب - رواية  
الكاتب: أحمد مصطفى  
تصميم الغلاف: محمد عمارة  
تدقيق وإخراج فنيّ: الباشا عبدالباسط  
الطبعة الأولى: 2017  
رقم الإيداع: 2017/17535

دار بنت الزيات للنشر والتوزيع: Facebook Page  
E\_mail: bentelzayat1@gmail.com  
Website: www.bentelzayat.tk

رئيس مجلس الإدارة / د. شاهنדה الزيات



جميع حقوق الطبع والنشر محفوظة ©

لدار بنت الزيات

المشهرة قانوناً بسجل تجاريّ رقم / 49351

الجيزة دانري - نزلة شارع القومية العربية - برج النور - الدور 8

## كلمة الناشر

الحلم مثل الحب، لا يمكن أن يفهمه إلا من مرَّ به وعاشه، فالطموح معقودٌ لديك في الوتين، إن وجدته وعشرت عليه ..

تمسك به ولا تترك أطرافه، فالطرف عادة هو ما سيصل بك إلى طريق إيقاظك من الجهل والاندثار. فالقراءة ارتقاء، والحروف عطاء، ولكي تجعل لك قيمة ..

لا تنحن مرغم أي ظروف، ولا تطأطئ رأسك لليأس، واغزل من الإصرار الأمل في الله قلاند من لؤلؤ، تنزين بها على مدى خطواتك.

د/شاهنده الزيات


(1)



**إهداء إلى كل من اعتقدوا أنّ الحياة خالدة  
وأنّ اختيارتهم في العلاقات صحيحة  
من اعتقدوا أنّ الربيع لن يأتي له خريف  
وأنّ النهار لن يأتي عليه ليل  
وأنّ الفرح دائم وأنّ الفراق لن يستطيع أن يهرهم  
من اعتقدوا أنّهم غير باقي البشر  
وأنّ نهايتهم لن تكون كنهاية الباقين  
من اعتقدوا أنّهم لم يعرفوا معنى الكذب والخداع  
واعتقدوا أنّ جلساتهم لن تتفرق أبداً  
ولكن.....**

ساحة آداب

\*\*\*



أحب أعرفكم بنفسي أنا .. خالد عبد الرحمن أنا باختصار  
الشخص اللي ما يعرفش يعيش في يوم من غير حب أو بمعنى أصح الحب ما  
يعرفش يعيش من غيري في يوم أنا باعشق الهدوء والسلام والحب والليل  
وفيروز دايمًا باحب أبقى ملفت للأنظار أنا غير أي حد وأي حد غيري أنا اللي  
مكون الشلة دي أحب أعرفكم بيها ...

دي نور عادل آخر بنات الدنيا في قايمتي كانت ليها في حياتي سحر غريب  
دايمًا بيقولوا إن الانسان له نصيب من عيونه وأنا نصيبي إني باعشق  
العيون فعشقتها ..  
ودا هاني بكري أوزي ما الكل بيقول له بكري صاحب عمري أو أبني .. جميل  
أن يبقى ليك صاحب عمرو وتحس إنه ابنك لكن صعب لما يبقى عكسك في  
حاجات كتير بتبقى مسؤولية ..

ودي داليا شاهين أعرفها من ابتدائي لكن عمرنا ما اتكلمنا لكن الحاجة  
الوحيدة اللي باستغرمها في داليا إن عينها دايمًا شائلة سر! ..  
وأخيرًا إبراهيم حجاج هو طيب لكن غي ودي تكفي على وصفه والباقي لسا  
ما أعرفهمش أه بس حاسس إن هيبجي اليوم اللي أعرفهم فيه واحكي عنهم  
بس مش دلوقت لسا "النصيب"

\* \* \*

(2)

خالد: إيه يا حبيبتي أتأخرت عليك؟

نور: لا يا بابا نص ساعة بس

خالد: شُفت ياعم بكري أنت و إبراهيم قلت لكم هنتأخر بسببكم ..صح انتِ

ما استنتيش صحابك ليه زي امبارح هما مش جاين النهار دا ولا إيه؟

نور: لا جم قاعدين مستنييننا هناك عند ساحة آداب

خالد: دا إبراهيم من امبارح عمال يسأل على صاحبتك دي اللي اسمها ليلى

نور: ليلى .. هو لحق يعرفها أصلاً علشان يسأل عليها

خالد: لا إبراهيم بيحب من أول نظرة ما تقلقيش, و صح نسيت أقول لك

نور: إيه يا حبيبي؟

خالد: باحبك

نور: وانا كمان باموت فيك يلا تعالى نقعد بقى

خالد: إيه يا بكري ساكت ليه؟

بكري: هعمل إيه بقالنا خمس دقائق قاعدين ساكتين زهقت

خالد: طب يلا نلعب بقى بدل الملل دا

أميرة: هنلعب إيه؟

داليا: نلعب the bottle

ليلى: نعم يا اختي!

"ضحك الجميع"

داليا: هنلعب الصراحة يا حجة

\*\*\*

(3)

خالد: طب يلا أول سؤال " أميرة هتسأل نور "  
أميرة: بما إنك صاحبة عمري بقى أوصفيني بكلمة  
نور: إيه الصعوبة دي انتِ أختي مش صاحبتِي يا بنتي أنتِ الجزء الهادي في  
صحابي كدا هادية وساكتة دايمًا بس شكلك هتعملي مصيبة قريب  
"ومع ضحك كل اللي قاعدين تاني سؤال"  
خالد: نور هتسأل إبراهيم  
نور: أنت ما حبتش قبل كدا يا إبراهيم  
إبراهيم: "بيحاول يداري كسوفه " لا دلوقتي بس قبل كدا كنت مرتبط آه  
"ضحكات بخبث من بكري ونظرات لخالد"  
بكري: هو احنا بنلعب إيه يا صاحبي  
خالد: الصراحة يا كبير وكفاية بقى علشان وشه احمرّ لوحده  
بكري: طب لف اللعبة وانت بتضحك, لف  
خالد: حظك وحش يا ليلي بكري هيسألك  
ليلى: ربنا يستر شكله مش سهل في أسئلته  
بكري: ليه بس سؤال سهل ارتبطِ كام مرة ..?  
ليلى: مش بقول لك مش سهل على العموم مش باعدّ عاملة لهم سبحة  
\* \* \*

## (4)

إبراهيم: أوقات كثير الصراحة بتقتل ما بتريحش وأوقات بنتمنى الكذب  
واحنا عارفين إنه كذب .. الحقيقة دايمًا حلوة بس صعبة ياريتني ما سمعت  
بكري: إيه يا إبراهيم انت بتكلم نفسك اتجننت يا بابا عمال بتحرك  
شفايفك وما حدش سامع انت بتقول إيه

إبراهيم: لا كنت بافكر في موضوع سرحت فيه شوية، ها مين هيسأل؟  
خالد: بكري

خالد: إيه ياعم بكري انت نصيبك تسأل كله ولا إيه هتسأل داليا  
بكري: أديك قلت نصيب بما إننا جيران بقى وعمرنا ما اتكلمنا هيبقى سؤال  
سهل انت بتحي حد؟

داليا: لا تصدق سهل قوي، يخرّب بيتك بص هو دلوقت لا لكن ارتبطت 3  
مرات قبل كدا

بكري: الله حلو قوي  
نور: كفاية قوي كدا

الساعة 5 يا دوب يلا بينا وبكرة نزل نكمل لعب بدري  
داليا: تمام على العموم هعمل آدد لكل الناس ومش هسيبك يا بكري إلا لما  
أسألك

بكري "بابتسامه غامضة": ما حدش عارف بكرة شايل إيه يا جماعة.  
النصيب ما أعجب تلك الكلمة التي لفتت انتباه داليا والتي كانت من ضمن  
كتابات بكري على صفحته الشخصية دون إدراك

\* \* \*

(5)

داليا: انت غريب قوي يا بكري طريقتك كلامك سكوتك انت ليه كدا؟  
بكري: أنا كدا لأسباب كتير وظروف كتير حصلت بس ما حدش كان حابب  
يسمع ساعتها

داليا: أنا حابة أسمع لو ينفع يعني  
بكري: بصي يا ستي أنا كدا علشان طول عمري حاسس إني لوحدي, عارفة  
لما تبقي مصاحبة السكوت والوحدة لما تبقي سند وضهر لكله وانت لوحدهك  
بتبقي صعبة قوي

داليا: أنا عايزة أبقي ضهرك وأسمعك عايزة أسألك كتير  
بكري "بضحكة واثقة": لالا, هالعبك لعبة الأول واللي يكسب يسأل واللي  
يخسر يجاوب هو, هاكتب وانا اللي هاسأل  
داليا: كمان متأكد أنك انت اللي هتكسب طب أنا هابتدي اللعبة ووريني  
هتكسب إزاي بقى

داليا: انت فسرني زي ما انت حاسس كدا ووريني هتقول إيه  
بكري: بس كدا سؤال سهل انت وحيدة برغم اخواتك, مجنونة, عايزة  
دلوقتي تجري وتتنططي قصاد البحر ويبقى في مزىكا شغالة ترقصي عليها  
داليا: إيه! انت عرفت الكلام دا إزاي قل لي؟  
بكري: لا ونفسك أكثر تحضني حد وتعيطي  
داليا: انت غريب فعلاً, مجنون, عرفت الكلام دا إزاي انطق؟

\* \* \*

(6)

كلنا نفس بشرية واحدة نشبه لبعض في الحزن والإحساس الضعف  
والاحتياج كلنا عيوننا بتبقى فاضحانا اللي بيفسر الناس ساعتها بيفسر  
نفسه واحتياجه هو بس ما حدش بيتعب بنفسه ويسأل أنا كدا فعلاً ولا كل  
الناس كدا بس أنا باحب أبقى غريب عن الكل ما تصدقش حد بيفسرك  
كله بيفسر نفسه بس فيك أنت

\* \* \*

(7)

نور: ألو؟  
خالد: إيه يا حبيبي  
نور: إيه يا بابا  
خالد: إيه رأيك في صحابي بقى؟  
نور: بص هما حلوين بس بكري تحسه كئيب ومش سهل كدا وقاعد مركز في  
كل حاجة، وإبراهيم مش مرتاحة له نظراته غريبة قوي  
خالد: عمل لك حاجة تضايقك ولا إيه؟  
نور: لا بس نظراته فاضحاه وخاصة لليلي، وبصراحة كل البنات اتفقت إنه  
كدا  
خالد: دا لسا ما جاش علي  
نور: ودا رخم ولا إيه  
خالد: بالعكس علي دا أطيب واحد فينا عيل دمه خفيف بغباء كله هيحبه  
جدًا أول ما يعرفوه

نور: لما نشوف أستاذ علي في السنة اللي مش باين لها ملامح دي

خالد: أقول لك على سر

نور: قول يا حبيبي

خالد: أنا حاسس إن الشلة دي مش هتستمر سنة قدام

نور: وأنا كمان بس قلت هنقعد سنتين أو ثلاثة

خالد: سنتين لالا هي آخرها السنادي هتبقى بايظة أصلاً

نور: أهي الأيام الجاية وهنشوف، المهم بس بكرة ما تتأخرش بقى زي كل يوم

خالد: ما اقدرش أتأخر عليك يا واد انت

\* \* \*

## (8)

خالد: إيه يا حي جيت لك بدري أهو

نور: أه ما دام بكري ما نزلش بتيجي بدري

نور: هو ما جاش صح؟

خالد: تعبان شوية ما جاش

داليا: تعبان .. عنده إيه؟

خالد: ما تقلقيش قوي كدا هو بس كسل ينزل

داليا: طيب ممكن تكلمه

خالد: نعم يا اختي؟

داليا: علشان خاطري بقى كلمه

خالد: ماشي .. بكري بكري أهو خديه

داليا: ألو؟

بكري: إيه يا ابن .....  
داليا: اثبت, أنا داليا  
بكري: أوبا .. إزيك يا داليا فكرتك الرخم اللي بيصحيني  
داليا: ما انت فرد اهو ما جيتش ليه؟  
بكري: دا أنا مريض يا أختاه  
داليا: أختاه؟ دا أنا هاطلع عينك, لينا حساب أما اروح يا أستاذ  
بكري: هاتعلق ماشي .. ماشي  
خالد: هاتيه هاتيه  
بكري: إيه يابا بتسلمني تسليم أهالي!  
خالد: هي اللي أصرت تكلمك أعمل إيه؟ يلا ولما نروح نتكلم  
بكري: تمام يا صاحبي .

\* \* \*

(9)

نور: بت يا داليا ما لك؟  
داليا: لا أنا ما ليش عادي  
خالد: اهدي يا نور على البننت شكلها هتقع  
داليا: أقع إيه ما انا ثابتة أهو  
نور: مش كل الوقوع واحنا واقفين في وقوع واحنا قاعدين برضه  
خالد: كفاية بقى عليها كدا  
خالد: ولا انتِ إيه رأيك يا أميرة  
أميرة: مش عارفة بس اسألوا في المواضيع دي الأخت ليلي هي الكبيرة

ليلي: ما لها ليلي يا اختي أنا مش بيفرق معاي أصلاً كلهم بالنسبة لي فترات  
وتجربة زي اللعبة، أول ما تزهقي لازم ترميها  
خالد: وانت إيه رأيك يا إبراهيم؟  
إبراهيم: مش عارف الصراحة بس إحساس إنك عايز تكلم حد، ومش عارف  
إحساس غبي،  
ليلي: يا ابني ما حدش يستاهل صدقي  
إبراهيم: يمكن بس في ناس تستاهل  
ليلي: لو كدا كان زمني لقيت حد في السبحة اللي عملتها أكمل معاه للنهاردة  
إبراهيم: مش كله زي بعضه  
ليلي: لا كله زي بعض كله عايز يمتلكني كله شايفني لعبة يمسخها وقت ما  
هو عايز ويسيهها وقت زي ماهو عايز، لكن أنا بقى اللي باخلمهم لعبة كلها  
بمزاجي  
خالد: حلو النقاش قوي،، إيه دا إزيك يا هالة!

\* \* \*

(10)

هالة: إزيك يا خالد عامل إيه؟  
خالد: أنا تمام، إنتِ إيه أخبارك؟  
هالة: تمام، أمال فين بكري صح؟  
خالد: بكري أجازة النهاردا  
خالد: أحب اعرفكم دي هالة صاحبتنا أنا وبكري من زمان  
هالة: أهلاً يا جماعة  
خالد: طب ما تقعدني

هالة: لا مرة ثانية علشان معاي أصحابي هابقي أكلم بكري، وأشوف انتو  
 فاضيين إمتى وتجتمع سوا "باي باي"  
 داليا: باي باي .. إيه الرخامة دي؟  
 خالد: يخرب بيتك مسخرة وانت بتقلدي البت "هالة"  
 خالد: وانتِ قالبية وشك ليه يا نور  
 نور: وانت مش عارفني يعني  
 خالد: يا جماعة والله كلنا صحاب وبس  
 أميرة: طب يلا بس علشان اتأخرنا، وبكرة كدا كدا نازلين  
 خالد: عارفين عدا شهر أهو كل يوم بنقرب لبعض عن اليوم اللي قبله لحد  
 ما بقينا كلنا عيله واحدة  
 داليا: صح والله .. انتو بقيتو أهلي كلكم  
 نور: ربنا يديم الصحبة  
 نور: ما حدش قال "أمين" ليه

\* \* \*

(11)

بداية الاعتراف بالحب هو أول سطور نهاية العلاقة بين الطرفين فلتبدأ  
 الصفحة أو تنتهي لا يوجد اختلاف

\* \* \*

(12)

داليا: تعرف يا بكري احنا بقى لنا شهر أهو بنتقابل كل يوم, بس لسا ما  
نعرفش حاجات كتير قوي عن بعض  
بكري: بصي يا ستي أنا كلبوظ شوية دقني طويلة, ملامح وشي معقولة, عيني  
بني بتلمع في الشمس ودمي خفيف  
داليا: لا بجد أنا باتكلم بجد عايزة أعرفك من جوا قوي مش الظاهر للناس  
كلها  
بكري: طب تعالي أعزمك على قهوة وسيبك من الناس اللي قاعدة هناك دي,  
واعتبرها رشوة علشان أعرف السر اللي في عينيكِ دا  
داليا: وأنا موافقة يلا بينا  
بكري: اتفضلي احكي بقى إيه اللي مخبياه  
داليا: بص يا سيدي أنا هاقول لك كذا سر بس ما تتفاجئش  
بكري: ربنا يستر!!  
داليا: أول واحد, أنا وأميرة صحاب من إعدادي  
بكري: الله, دا أول سر أمان الباقي كملي  
داليا: الثاني أنا وهالة كمان صحاب من زمان  
\* \* \*

(13)

بكري: هالة؟!  
بكري: انتِ كمان عرفتِ هالة "اللهم صل على النبي", اتفضلي القهوة

داليا: ميرسي

بكري: معاكيش ولاعة بقى, أولع سيجارة بالمرة

داليا: لا وخف سجاير وانت معاي

بكري: حاضر يا أفندم آخر سيجارة دي

داليا: طيب

بكري: إيه بقى كمان اصدميني

داليا: تالت سر أنا برسم

بكري: بجد طب أنا عايز أول هدية رسمة بقى ليا طول عمري نفسي حد

يرسمتي

داليا: عيوني

داليا: أنا عايزة أقول لك على آخر وأصعب سر

بكري: إيه الدراما دي!؟

داليا: أنا .. باحبك

\* \* \*

(14)

إبراهيم: إيه يا خالد النهاردا البنات إيه, صواريخ


خالد: يا ابني انت على طول فاضحنا كدا؟

إبراهيم: ياعم أنا باحب الجنس الناعم مهما كان شكله ولونه

خالد: طب اسكت علشان نور شكلها سمعت

إبراهيم: "نور" ماشي ياعم الحنين

إبراهيم: أمال فين الناس؟



خالد: بضحكة ونظرة ثقة في النية البريئة اللي بيقدمها إبراهيم  
خالد: الناس برضه  
إبراهيم: آه طبعاً آمال قصدك مين  
خالد: هو أنا اتكلمت  
إبراهيم: أنا بأسأل على كله مش ليلى بس  
خالد "ضحكة": انت اللي قلت مش أنا أهو  
إبراهيم: يا بني عادي مش في بالي أصلاً، هي جميلة آه ووشها منور، وعينها  
العسلي  
خالد: كل الوصف دا ومش واخذ بالك ماشي يا كداب  
نور: هتفضلوا تتكلموا كتير كدا لوحدكم؟  
خالد: لا يا حيي أنا معاك  
إبراهيم: وأنا معاكم  
خالد: تعالوا نتمشى شوية طيب بدل ملل الكلية دا  
نور: يلا بينا .

\* \* \*

(15)

بداية القصة تحت الشتا في أول شتا حبوا بعض "فيروز"  
رنة تليفون خالد المفاجئة  
نور: رد يا أستاذ  
خالد: بيسمة ساذجة والله الواد علي هو اللي بيتصل حتى شوفي  
نور: ماشي ماشي، خليه يبجيلنا عند ساحة آداب زي ما بنتجمع


خالد: هاستناك بقى ما تتأخرش  
نور: تعرف يا خالد أهو علي دا انا ما شفتموش غير مرة بس الباقي أعرفه من  
حكاويك عليه  
خالد: والله يا بنتي أنا ربنا يعلم معزة الواد دا عندي  
إبراهيم: طب وأنا؟  
خالد: والله زي ما بقول لك كدا يا نور

أوقات الهروب الذي أحسن بكثير من الصراحة اللي توجع, حكمتي دايمًا  
كدا أنا عمري ما أحب اخسر حد لكن اللي يحب يخسرنى, تحت رجلي مش  
غرور, لكن ثقة

\* \* \*

### (16)

خالد: بكرة أقول لك يا هيما ولا تزعل  
إبراهيم: مانشي أنا هاروح بقى علشان عندي شغل  
خالد: طيب استنى علي يبجي تسلم عليه الأول  
إبراهيم: بالليل بقى نبقى نتجمع  
خالد: خلصانة يا صاحبي  
إبراهيم: سلام  
نور: هو انت مش بتحب إبراهيم يا خالد  
خالد: والله باحبه بس هو غبي له تصرفات غبية  
نور: طب ممكن ما تحسسهموش كدا علشان بيصعب عليّ



خالد: يا حبيبي علشانك أعمل أي حاجة يا قمر  
نور: حبيبي بقى, صح يا أستاذ مين اللي عملت لك لايك على بوست امبارح  
دا

خالد: مين دي؟ اسمها إيه  
نور: مش فاكرة .. بس اسمها مي وسنجل ولها صورة بشعرها  
خالد: لا واضح إنك مش فاكرة خالص انتِ قلبتِ الفيس بتاعها من يوم ما  
عملته

نور: لا والله هما آخر 3 سنين بس اللي شفتم  
خالد: كام؟! . يخرب بيت فراغك يا بنتي  
نور: لا بس أنا مش هاستنى حد ياخدك مني فاهم؟!  
خالد: حاضري يا افندم

\* \* \*

(17)

علي: إيه يا بني أنتو لازم تلففوني الكلية كلها علشان آجي لكم  
نور: وعليكم السلام  
خالد: كام مرة أعلمك يا حبيبي آداب الكلام, لازم الأول سلام  
خالد: والنبي شاعري يا واد يا خالد  
علي: ولا يا مافيا فين الواد الكئيب بتاعنا  
خالد: تصدق صح من ساعة ما جينا بيحب قهوة مع داليا  
نور: شكلنا هنبارك لهم قريب  
خالد: بكري! ما اعتقدش دي هتبقى أمها داعية عليها

علي: على أساس انك هدية يا حبيبي صح  
 خالد: اتمم يا واد  
 نور: لا لا, ما اسمحلكش حبيبي قمر هو في حد زيه  
 علي: مين يشهد للعروسة  
 نور: ههههههههه عروسة دا أجمل عريس  
 خالد: وانتِ أجمل عروسة يا حبيبتى  
 علي: وانا أجمل واحد معزوم على فرحكم  
 نور: ههههههههه خالد, الواد دا فصيل  
 خالد: مش قلت لك يا بنتي مسخرة  
 علي: والله مش عارف يا ولاد من غيري كنتو عملتم إيه  
 خالد: كنا عملنا فرح هههههه  
 علي: لا أنا أمشي دا القعدة صغرت قوي كدا  
 خالد: ههههههههه خلاص ياعم سوري  
 علي: سوري .. الله يرحم

\* \* \*

(18)

خالد: لا إوعى أنا مثقف قوي  
 علي: ياعم خليني ساكت أحسن  
 علي: فاكر لما كنا نزوغ وناخد الواد بكري ونروح نلعب بلايستيشن واكسر  
 عينكم واعلم عليكم  
 خالد: لا يا بابا أنا زي ما كنت بتكسبني باكسبك

هو يا عيني اللي كان دايمًا محطوط عليه الواد بكري  
علي: ياعم دا في الكريمة خالص  
خالد ضاحكًا: يا ابني اسكت هنموت  
خالد: بص اهي ما حدش هيعرف يوقفها في الضحك  
نور: بس بس سكتوه مش قادرة من كتر الضحك  
نور ضاحكًا: بس يعني إيه في الكريمة دي صح  
علي: يعني رايحة منه خالص  
خالد: على أساس كدا هتفهم  
هي يا ابني دي بتتكلم عربي بالعافية  
نور: أنا برضه يا حيي  
خالد: مش قوي يعني  
نور: طب يا قلبي وكدا  
خالد: لا كدا بتتكلمي انجليزي كمان  
علي: يا حنين منك ليها أنا قاعد وسنجل  
خالد: ما انت طول ما انت سايب شعرك منعكش ورفيع طويل ومش بتتخن  
كدا عمرك ما هتتنيل ترتبط  
علي: أنا

\* \* \*

(19)

الحب مش دايمًا إحساس  
أوقات كتير بيبقى احتياج  
وساعتها مش بيفرق مين اللي بيسد عندك الاحتياج دا  
انت بتوافق علشان بس ما تحسش بقيمة النقص ما بين الناس  
و اوعى في يوم تاخذ قرار وانت في إحساس احتياج!!

\* \* \*

(20)

داليا: بص يا بكري قبل ما تتكلم أنا ما قُلتلكش كدا علشان ترد بأي حاجة  
دا مجرد إحساس حبيت أعترف لك بيه ومش مستنية رد  
بكري: بس انا بدأت أعجب بيك  
داليا: مش حاسة حساك بتكدب علشان ما تحرجنيش أنا إيه اللي عملته دا  
أصلًا أنا رميت نفسي عليه أه أنا مش وحشة قصيرة قمحية عيوني سودة  
ورفيعة بس روجي حلوة وانا بدأت أحبه بجد  
بكري: داليا انتِ رُحتي فين أنا باكلمك  
داليا: معاك يا بكري كمل  
بكري: بس احنا محتاجين وقت نتعرف فيه على بعض لسا  
داليا: صح عندك حق  
بكري: أنا مش باقول لك كدا علشان تزعلي بس ماعلش أنا بالنسبة لي  
الارتباط دا إني باتعري قدام اللي بارتبط بيه

باكون عريان فلأزم أختار صبح واكون متأكد علشان لو غلط عمري ما  
هاسامح نفسي إني اتعريت قدامك..

داليا: ما حدش بيحب حد يشوفه عريان يا بكري

داليا: ويلا بينا بقى لنا ساعتين واقفين وسايبينهم

داليا: أكيد هنلاقهم عند ساحة آداب كالعادة

\* \* \*

(21)

بكري: إيه اللي انا قُلته دا

داليا: أنا غلطت اني قُلت كدا

بكري: أنا عمري ما لقيت حد يحبني زي ما انا، يوم ما آلاقي أرفض ليه

داليا: أنا أكيد ضايقته أنا غلطت، غيبة

بكري: أنا شكلي زعلتها أنا غبي أنا كنت لازم أوافق حتى لو لسا ما حبتهاش

مع الوقت هاحبها

داليا: أنا كنت لازم ما اقوّلوش حتى لو باحبه أكيد مع الوقت كنت هانساه

بكري: بس حتى لو كنت قبلت ماكانتش هتستحملني

داليا: وهو كمان مين هيستحملك بمشاكلك وزعلك دا

بكري: احنا هنفضل ساكتين كدا ولا إيه

داليا: لا أنا عادي اتكلم وأنا هارد عادي

بكري: احنا اتفقنا


داليا: بكري أنا عادي بجد والموضوع خلص أصلاً زي ما قُلت لازم نعرف

بعض الأول

بكري: صح بس هنتعامل عادي لحد ما نتعرف أكثر على بعض  
 داليا: احنا أصلاً عادي مافيش حاجة ما بيننا  
 بكري: أنا آسف بس بجد مش قصدي أضايقك  
 داليا: وانا ما زعلتس أنا اللي آسفة إني قُل..  
 بكري: ما تكمليش ما حدش عارف بكرة شايل إيه  
 \* \* \*

(22)

بكري: علي, عامل إيه يا واد  
 علي: تمام يا صاحبي إنت إيه أخبارك كنا لسا في سيرتك  
 بكري: خير أنا عارف ما دام انت وخالد يبقى بالخير طبعاً  
 علي: أكيد يا صاحبي كنت بس بفكره بأيام ما كنت باعلم عليكم واكسبكم  
 في البلايستيشن  
 بكري: ياعم ما كانوش كام ماتش  
 علي: كام ماتش إيه يا ابني انت كسبت في حياتك كام ماتش أصلاً  
 بكري: تصدق صح أنا عمري ما كسبت لا بلايستيشن ولا حقيقة  
 خالد: لا كدا هتقلب دراما .. علي أعرفك بداليا  
 علي: أهلاً وسهلاً  
 داليا: أهلاً يا علي  
 علي: صح أمال فين الواد الحبيب من أول نظرة  
 خالد: يضحك باستهزاء  
 خالد: لا مشي عنده شغل



بكري: يا جدعان الواد طيب بس غبي ضعيف قدام نفسه  
خالد: بس الغباء والضعف درجات أنا باحبه بس هو اللي مصر يتصرف  
بغباء

علي: طب إيه هنتجمع بالليل يا ولاد هنشيش يا ولاد  
نور: لا حبيبي علشان خاطري بلاش تشرب لا سجاير ولا شيشة  
نور: سيك من صحابك المدخنين دول بكري مش بيسيب السجارة وعلي  
شكله هيتجوز الشيشة من طريقة كلامه عليها  
علي: أيوة بقى ياريت واخلف حجر صغير  
\* \* \*

(23)

ما تتخدعش في اللي بيضحك دايمًا وتقول إنه مبسوط  
أوقات كتير الضحك بيداري جوا الشخص شروخ وكسور  
بس بيضحك علشان ما يبقاش مثير للشفقة  
ويسمع كلمة ماعلش!!

\* \* \*

(24)

الأحداث تسير كما هو مخطط لها ولكن....  
\* \* \*

(25)

الساعة: 10 مساءً

المكان: قهوة الخليفة تراييزة 8

5 قهوة وشاي

للا 6 أشخاص اللي قاعدين على التراييزة

شيشة معسل لإبراهيم

شيشة خوخ لعلي

سجارة بكري, سجارة خالد

سجارة عبد الهادي الشاب الأسمراني "سمار خفيف"

خفيف الدم لم يكمل للجامعة خريج معهد لم يتذكر أحد اسمه

الجو مشحون بين خالد وإبراهيم

عبد الهادي بيضحك مع بكري

علي مركز مع شيشته وفريقه المفضل اللي بيلعب برشلونة

علي: جووووون

علي لبكري: شُفت ياد ميسي دا مجرم ما لهوش حل

بكري: يا ابني طيب والريال ما لها دلوقتي

علي: دلوقتي ما لها مش لما بتكسب بتعمل فرح ياد

علي: صح إيه السكوت اللي انتو قاعدين فيه دا

ربنا يجعلها آخر الأحزان


خالد: لا أحزان ولا مياتم العزا بيتعمل للناس النضيصة مش لكل الناس  
تستحق العزا

\* \* \*

(26)

بكري لعبدالهادي: ما تنطق يا عم بدل الدراما دي اللي احنا فيها  
عبدالهادي: وحدوة الله يا جماعة  
بكري في وذن إبراهيم: ولا دا نار المعسل ولا نار عينك  
إبراهيم: يا عم لا نار ولا حاجة  
أنا عارف إني باغلط بس مش أنا اللي ازعل صحابي أقول لك على سر يا  
بكري أنا عمري ما كان لي صحاب أنا أعرف ناس يا ما قوي لكن صحاب  
قريبين مني لا  
بكري: اهدى بس يا عم وحد الله كلنا اخواتك  
إبراهيم: أنا عارف بس باحس إني مخنوق يا ما قوي الشغل الأهل الصحاب  
الحب اللي مش بالاقية دا  
أنا نفسي في واحدة حلوة تحبني لكن لسا مش لاق  
باحس إن كله في نظرة إعجاب لكن حب لا  
بكري: يا ابني انت حلور فيع وطويل وشعرك ولا بلاش شعرك الأكرت دا  
فرفش بقى يا عم

\* \* \*



(27)

قعدة الصحاب دايماً خداعة عايز توصل للحقيقة

ركز في الهزار

الهزار دايماً أسهل طريق للجد

\* \* \*

(28)

الساعة: 12

الفييس بوك شات

داليا: هاي يا نور

نور: أهلاً أهلاً عاملة إيه يا بت

داليا: تمام يا كوكو وانتِ

نور: تمام الحمد لله

داليا: صح باقول لك

نور: خير استريارب

داليا: لا خير ما تعرفيش فين العيال

علشان بكري مختفي بقاله ساعتين مش باين

نور: اهدي يا حاجة في إيه الواد كويس انا كنت مكلمة خالد من شوية وقالي

انهم هيتجمعوا على القهوة شوية

داليا: طيب كويس طمنتيني

نور: صح انتِ بقى إيه السنارة غمزت ولا إيه

داليا: سنارة إيه

نور: يا بت أنا ماما قولي قولي عايزة إيه من الواد دا  
داليا: لا والله مش سنارة أنا بس بدأت ارتاح له قوي اللخبطة والحزن اللي  
فيه شد انتباهي قوي حابه أعرفه بجد  
نور: طب اعترفي له, قولي له  
داليا: أقول له إيه تاني؟  
نور: إيه دا وانتِ قُلتي لهُ أصلاً؟ وقال لك إيه طيب؟  
داليا: ولا أي حاجة  
نور: لا يا ماما أنا عايزة اعرف بالتفصيل الممل  
داليا: المهم انتِ ما لك شكلك متعصبه انتِ متخانقه مع خالد  
نور: لا شادة شوية مع أميرة  
داليا: ليه بس

\* \* \*

(29)

أهم شيء في كل حاجة التفاصيل  
التفاصيل اللي دايماً بتفسر الكلام إذا كان حقيقي ولا كذب  
على رأي المثل الإنجليزي الشيطان في التفاصيل  
التفاصيل هي دايماً المقدمة المنطقية لكل شيء  
بس الغريب  
إن مش دايماً المواضيع المنطقية تفاصيلها بتبقى منطقية  
في مواضيع معينة التفاصيل مايبقاش ليها أي قيمة  
التفاصيل يا عزيزتي

\* \* \*

(30)

علي: الماتش خلص يا ولاد يلا بينا

بكري: يلا بينا

خالد: خد دا حساب القهوة اهو

علي: خد يا أبا قهوة وحجر خوخ ب 2 صفر قصدي ب 2 جنيه

بكري: يلا يا جزمة علشان كسبته 2 صفر فخلاص هتتفرعن

بكري: يلا يا هيما

إبراهيم: لا أنا قاعد شوية

بكري: طيب تمام بكرة الساعة 9 نفس المكان عند الساحة

إبراهيم: تمام هاجي لكم على هناك

بكري في ودن خالد: عايزك لوحدك استناني برا

خالد: قشطة مستنيك

بكري: يلا بينا

علي: طب أمشي أنا.. وبكرة في الكلية بقى نتجمع

خالد: تمام يا صاحبي

خالد: عايز إيه بقى

بكري: ما يتفعش اللي انت بتعمله مع إبراهيم دا

خالد: يا ابني ما حدش يعرف اللي بيعمله إبراهيم

اللي خلاني أعامله كدا

بكري: عمل إيه طيب قل لي

\* \* \*

(31)

"بديت القصة تحت الشتي في أول شتي"

خالد: مين دا كمان اللي بيتصل دلوقتي حبيبتى خير

خالد: ألو..

نور: ألو يا حبيبي عامل إيه؟

خالد: تمام يا حي انتِ إيه اخبارك؟

نور: تمام بس بصراحة بقى لازم اقول لك على حاجة حصلت

خالد: عملتِ إيه يا بنتي؟ قولي.. قولي

نور: صاحبك

خالد: مين بكري ولا مين

نور: إبراهيم

خالد: إبراهيم.. ماله عمل إيه

نور: بص أنا مش عايزاك تتضايق بس

نور: بس لازم اقول لك

خالد: نور.. في إيه قولي علشان ما اتعصبش

نور: بص أنا قُلت لك مش مرتاحة له صح ولا لا

خالد: نور إيه اللي حصل؟

نور: بصراحة صاحبك بيبيص لي نظرات مش مريحة بيبيص...

خالد: ازاي يعني؟!

نور: بيبيص، مش نظرة محترمة نظرة تفصيل عليّ، فاهم؟

\* \* \*

(32)

خالد: فهمت بقى  
بكري: اهدا بس يا صاحبي  
بكري: انت عارف إن هو غبي  
بيعمل حاجات وهو مش واخد باله  
خالد: يا ابني أنا خدت بالي كثير وسكتت  
لكن لما نور قالت لي اتجننت ما بقيتش طايقه والله هازعله  
بكري: خالد ما ينفعش يا ابني  
احنا كلنا صحاب ما ينفعش يحصل اللي انت بتقوله دا  
خالد: انت تعرف أصلاً إنه عمل كدا مع كل البنات  
بكري: كلهم كمان أنا خدت بالي وهو بيبيص على ليلي  
خالد: لا مش ليلي بس  
ليلى ونور وداليا وأميرة...  
كلهم قالوا وأخدوا بالهم إنه بيصلهم كدا  
نظرتة زباله يا ابني بيعريهم بنظرتة  
بكري: بس هو طيب يا خالد  
خالد: هو طيب اه, بس غبي

\* \* \*

(33)

2013/12/20

الساعة: 11 الصبح

المكان: ساحة آداب

بكري: هنعمل إيه يا خالد الامتحانات قريب؟

داليا: أنا خايفة أنا لسا ما فتحتش كلمة

أميرة: ولا أنا, أنا طول عمري باذاكر من الأول الترم دا ما فتحتش كلمة

خالد: لا كدا احنا حلوين قوي

نور: وانا إيه مش مهم اتكلم ولا إيه

خالد: هو حد منعك ولا إيه

نور: أه انت

خالد: باقول لك إيه مش ناقصة نكد

نور: أنا نكد يا خالد؟

خالد: أه يا نور نكد من امبارح

خالد: ما لك من امبارح قالبة وشك؟

ومش راضية تنطقي تقولي ما لك

بكري: اهدوا يا جماعة في إيه؟

خالد: ياعم لا نهدا ولا نيلة بقت حاجة تزهب

نور: لا والله وإيه اللي يخليك معاي ما دام مزهقك قوي كدا؟

داليا: يا جماعة خلاص ما حصلش حاجة ممكن تهدوا بس؟

نور: ماشي يا خالد والله ما هاعديها


\* \* \*

(34)

خالد: ما تعديهاش براحتك  
 نور: طيب أنا ماشية  
 بكري: يا بنتي اهدي  
 نور: لا مش هاهدي سلام  
 و انتو اقعدوا اضحكوا براحتكم  
 نور: سلام يا أميرة  
 بكري: أميرة .. انت مزعلاها في حاجة يا أميرة  
 أميرة: والله أبدًا  
 داليا: يا بنتي افتكري قُلتِ لها حاجة كدا ولا كدا ؟  
 أميرة: لا ما قُلتش بس..  
 هي من امبارح متضايقة مش عارفة ليه  
 علي مبتسمًا ابتساما ساذجة  
 علي: هو في إيه  
 بكري: ما فيش يا حبيبي كمل نوم  
 بكري: هو في حد بنام في الكلية صح؟  
 علي: يا ابني أنا بنام في أي حته النوم سلطان  
 \* \* \*

(35)

الغيرة  
 الغيرة هي لذة الحب  
 بس لما الغيرة تتحول لامتلاك بتبقى بداية النهاية



كلنا بنغير لكن إحساس الغيرة بيخلينا معميين  
وأهم شيء عندنا هو امتلاك الشيء بكل طاقتنا  
ومن هنا بيبدأ الشيء دا إنه يضيع  
لأن أسرع حاجة بتتكسر هي أكثر حاجة بنخاف عليها  
فما بالك بقي بالأشخاص؟!!!

\* \* \*

(36)

"هو دا اللي حلمت بيه ضحكته نظرة عينيه"

نور: يا ترى مين اللي بيتصل دلوقتي

نور: أميرة ...

أميرة: ألو

نور: هو دا اللي حلمت بيه

أميرة: يا رايقة, على فكرة صوتك وحش

نور: بجد؟! لا أنا صوتي تحفة أصلاً

أميرة وهي مبتسمة: عاملة إيه يا بت

نور: بت .. أنا تمام يا كبيرة انتِ إيه أخبارك

أميرة: تمام وزهقانة فُقلت ندردش سوا

نور: دردشي يا اختي دردشي

أميرة: زهقانة قوي ونفسي نزل كلنا دلوقتي

نور: إيه دا .. مين معايّ انتِ تمام يا بت ولا سخنة؟  
 أميرة: هو علشان نفسي أنزل أبقى مش تمام وسخنة؟  
 يا بنتي أنا مخنوقة طول عمري محبوسة في سجن انتِ عارفة لازم أبقى  
 شاطرة ومن البيت للدروس والعكس  
 لكن أنا فين؟ مش لاقية نفسي فاضية من جوا  
 أكيد ما كانش دا معنى التفوق اللي طول عمرهم بيقولوا لي عليه  
 التفوق بجد إني ألاقي نفسي في حاجة أنا باحها، فاهمة؟  
 أنا هاهرب...

\* \* \*

(37)

أميرة فتاة جميلة الشكل ونقية المضمون  
 متوسطة الطول صعبة التعامل قليلة التحدث  
 لم تحب لأنها مسجونة  
 والمسجون في الدنيا ما لهوش حق إنه يعيش  
 مطالب منها تبقى الصورة المرسومة من الأهل  
 مثال الالتزام والعفة والتفوق  
 لكن في قانون الدنيا دي خنق الأهل للبتت يساوي مدى تحررها يوم ما  
 تفلت منهم  
 كل ما يتبقى أهلها خانقينها كل ما هتعاقب أهلها في نفسها!  
 الاعتدال يا خلق الله

(38)

الساعة 2 صباحًا

"قطر الحياة بيوعي بسرعة سنة في سنة"

بكري: استر يا رب مين اللي بيتكلم دلوقتي .. داليا!! خير؟

بكري: ألوخير يا داليا

داليا: اهدا بس ما فيش حاجة أنا قلقتك ولا إيه

بكري: لا بس اتخضيت قلت في حاجة

داليا: لا الحمد لله بس عايزة اتكلم يا عم

هو احنا مش صحاب استحمل بقى

بكري مبتسمًا: أمري لله يا هانم اتفضلي عايزة تقولي إيه

داليا: ها..... ها

بكري: ها.... في إيه يا بنتي عايزة تقولي إيه

داليا: بص مش عارفة انت مش صاحبي احكي لي حدوتة

بكري: نعم يا عيني حدوتة إيه

داليا: أه حدوتة ما ليش دعوة بقى

بكري: ماشي يا ستي اسمعي كان يا مكان يا سعد يا كرام وما يحلى الكلام إلا

بذكر النبي عليه الصلاة والسلام

داليا: عليه الصلاة والسلام ....

داليا: وصح لو نمت منك عادي بقى ما تزعلش

بكري: ماشي يا هانم

داليا: يلا احكي

\* \* \*

(39)

نور: إيه يا نهار اسود تهربي إيه يا بت اعقلي  
 أميرة: أنا هاهرب من نفسي يا نور هادور على نفسي بجد هاعيش هاضحك  
 هاسهر هاعيش بقى بدل السجن دا  
 نور: وهتبقي مرتاحة يا أميرة  
 أميرة: ما اعرفش بس أهم حاجة أحس إني عايشة  
 أميرة: هادور على حد شبهك كدا شبه خالد شاب وسيم جميل حنين حد  
 يحسسني إني عايشة  
 أميرة: فاهماني يا نور  
 نور: ليه بالذات خالد ليه مش بكري أو إبراهيم  
 أميرة: لأ مش قصدي أنا باشبهه اللي عايزاه يعني أكيد مش هابص لحبيب  
 أختي  
 نور: ربنا يستر دايمًا بيحذروا من الصحاب إن هما ضربتهم أغبي من أي حد  
 غريب , بس معقول أميرة تبقى كدا  
 لا يا نور دي أختك ومعقول لو بتفكر كدا هتقول لي  
 أميرة: ألوووو ساكتة ليه يا بنتي انت زعلتي مني  
 نور: لا مزعلتش بس سرحت في موضوع كدا  
 أميرة: إنه موضوع إني اتكلمت على خالد  
 نور: لا موضوع ماما كانت قايلة لي عليه  
 نور: وبعدين احنا اخوات ولا إيه  
 أميرة: ولا إيه

\* \* \*

(40)

هو معقول يسييني أنا نور  
مش أنا بالنسبة له معنى الجمال زي ما هو بيقول  
البشرة البيضاء، العيون الخضرة  
حتى جسمي هو قال إنه بيحبه كدا  
معقول بيحي من الأيام يسييني علشان أي حد مهما كان  
يا ترى هيبقى زي كل الرجال اللي باقرا عنهم في الروايات والكتب وباشوفهم  
في الأفلام  
كل الرجالة بيخونوا حتى لو معاهم ملك جمال  
أشهر قصص الخيانة في العالم كانوا أميرات  
ولا هيطلع زي ما وعدني إنه عمره ما هيسييني  
مش عارفة بقى هاتجن!!!

\* \* \*

(41)

بكري: كان يا مكان يا سعد يا كرام وما يحلى الكلام إلا بذكر النبي عليه  
الصلاة والسلام  
كان زمان ولد طيب قوي غلبان  
ما لهوش صحاب كثير لكن طول عمره حاسس إنه أقل منهم كلهم كلهم  
بيحبوا ويتحبوا ويخرجوا ويضحكوا لكن هو لأ  
مش بس لما كبر لا ومن هو عيل صغير عمره ما حس إنه طفل  
عمره ما اتفرج على كرتون عمره ما كان ساذج سداجة الأطفال البريئة

كان خوفه دائماً مالكة قاتله الزعيق كان بيرعبه  
 فضل طول عمرة خايف لحد ما الخوف بقى صاحبه الوفي  
 لحد ما خلاه يبني حوالين روحه ألف سور وسور  
 بقى يرفض الناس ويخاف من قرههم  
 بكري: داليا انتِ نمِتِ  
 داليا: ....

بكري: هي حصلت ل ..... طيب أكمل بقى  
 لحد في يوم قابل الأميرة اللي حبته واعترفت له بحبها  
 بس بجد أول مرة يفكر يقرب من حد بس خايف  
 خايف قوي ليكسرها أو هي تكسرة خايف !!  
 \* \* \*

(42)

بكري: يا بنتي استني... يا نور  
 خالد: يا جماعة سيبوها براحتها  
 خالد: هي عارفها انها لما تمشي مش هعديها  
 بكري: لا اهدا كدا ياعم عديها بلاش نكد  
 خالد: ياعم لا نكد ولا حاجة هي جابت آخرها  
 داليا: لا ياعم بلاش وحياة أمك استعيذ بالله  
 من الشيطان الرجيم كدا  
 خالد للأميرة: وانتِ بتعيطي ليه دلوقتي  
 أميرة: حاسة إني سبب إني ازعل صاحبتني

داليا: هو انتِ عملتِ حاجة أصلاً يا بنتي  
خالد: حتى لو عملت ..  
براحتها وما تعيطش ما فيش عيون زي القمر تعيط كدا  
صح ولا إيه يا قمر  
بكري: إيه دا جه اهو  
خالد: بكري خليه ما يجيش على طريقي  
علشان ما ازعلهوش مني  
بكري: اهدا بس  
إبراهيم: إيه دا ما لكم زعلانين ليه كدا  
علي: مش انت جيت لازم نزل  
إبراهيم مبتسماً: لا بجد ما لكم وبعدين أميرة بتعيط ليه  
وفين نور ما لكم يا جماعة  
خالد: عادي روح بدري النهاردا  
إبراهيم: غريب دا بس ماشي اهي قاعدة  
\* \* \*

(43)

إبراهيم لبكري: هو في إيه أنا مش مرتاح للقعدة دي  
بكري: يا ابني عادي شدوا مع بعض شوية  
إبراهيم: وأميرة دي بتعيط ليه  
بكري: زعلانة شوية مع نور هي كمان  
إبراهيم: ياريت كنت جيت بدري شوية كنت اتفرجت

بكري: تتفرج إيه هو مسلسل يا زفت انت  
 خالد لأميرة: هاتي إيدك  
 أميرة: اهي في إيه بقى  
 خالد: ممكن وحياتي ما تزعليش  
 أميرة: مش بازعل وانا معاك قصدي معاكم  
 إبراهيم: إيه يا عم خالد يا حنين انت مش بتاخذ راحة  
 انت مش لسا مرتبط برضه ولا إيه  
 خالد: انت مجنون يا ابني  
 بكري: إيه يا خالد تعال عايزك في كلمة على جنب  
 خالد: إيه يا بكري  
 بكري: اهدا يا صاحبي مش كدا ما ينفعش  
 خالد: يا ابني هو أنا عملت حاجة هو اللي نرفزني  
 بكري: ونور يا خالد  
 خالد: ما ينفعش أسيب أميرة تزعل  
 داليا: إيه هتقعدوا ساعة تتكلموا مع بعض  
 بكري: يلا واهدا شوية ممكن

\* \* \*

(44)

داليا: با اقول لك يا بكري صح  
 بكري: أومري يا داليا  
 داليا: هو انا نمت امبارح وانت بتحكي

بكري وهو بيضحك: نمت؟.....

انت كنت في سابع نومة

داليا: طب انت قلت إيه

بكري: لا لا هي مرة

داليا: لا بجهد هازعل

بكري: لا من غير زعل

داليا: انت كدا زعلتني بجهد

غير الزعل الأول أصلاً

بكري: وانا مزعلك أول أصلاً

داليا: لا انت لسا بتنكر

بكري: إحم إحم

داليا: على العموم أنا مش هارخم عليك تاني براحتك

بكري: يا بنتي مش كدا

داليا: لا كدا قوي كمان

بكري: على فكرة بقى

داليا: إيه

بكري: أنا باحبك !!

\* \* \*

(45)

كلمة باحبك عقد  
 لازم يتمضي عليها من الطرفين  
 لازم يبقى هتعود بنفع على الطرفين اللي فيها  
 مش هتعود بوجع وكسرة  
 الطرفين بيقوا مسؤولين من يوم ما يمضوا عليها  
 بس ما تقدرش تحاسب حد لو حد منهم مضى تحت ضغط  
 والاحتياج والوحدة ضغط  
 العقد باطل !

\* \* \*

(46)

داليا: انت قُلت إيه  
 بكري: إيه باحبك عندك مانع  
 داليا: يالهوي مش مصدقة أخيراً قُلتها يا باارد  
 بكري: بارد بقى كدا  
 داليا مبتسمة: أه بارد وغلس ورخم وحببي  
 بكري: أيوة كدا اتعدلي  
 داليا: يلا بقى قل لي بتعمل إيه بالتفصيل في يومك  
 بتحب أكل إيه بتحب تشرب إيه كل حاجة بالتفصيل  
 بكري: إيه يا بت راديو اشتغل فجأة ما لك  
 داليا: فرحانة قوي



بكري: ربنا يفرحك دائماً يا حبيبتي  
داليا: يالهووي والله عايضة أحضنك  
لولا إن احنا في مكان عام  
أميرة: أيوة بقى ربنا يفرحكم ببعض عقبالي يارب  
خالد: مبروك يا واد يا بكري خلي بالك منها بقى  
علي: ومني أنا كمان  
إبراهيم: طب إيه هنبات هنا ولا إيه  
بكري: إيه يا ابني الرخامة دي  
انت مستكتر تشوف الواحد فرحان شوية  
إبراهيم: ما احنا مع بعض كل يوم هنروح فين  
يلا يلا

\* \* \*

(47)

فيس بوك شات

نور: ليلي  
ليلى: إيه يا حبيبتي عاملة إيه  
نور: أنا مش كويسة يا ليلي  
ليلى: مالك بس يا حبيبتي في إيه  
نور: خالد وجعني قوي يا ليلي كسرني  
ليلى: إيه بس اللي حصل بالتفصيل  
نور: بصي يا ستي أنا كنت باكلم أميرة امبارح

وحسيت إنها بتميل لخالد ومعجبة بيه  
 ليلى: إيه أميرة يا بنتي مستحيل أكيد انتِ فهمتِ غلط  
 نور: لما تقولي نفسها تحب حد طيب وحنين زيه دا يبقى إيه  
 ليلى: يا بنتي مش شرط ممكن تبقى بتديكِ مثل مش أكثر  
 وبعدين هي لو كدا هتيجي تقول لك  
 نور: يعني إيه أنا مجنونة؟  
 ليلى: لا يا ستي مش مجنونة بس غيرتك غبية  
 نور: يعني أنا غلطت !  
 ليلى: آه طبعًا غلطانة جدًا  
 نور: أصل بصراحة فضلت منكدة عليه واتعاركنا وسبته ومشيت  
 ليلى: كمان يخرب بيتك انتِ مجنونة مجنونة  
 نور: طب اعمل إيه أنا مش عارفة بقي  
 ليلى: كلميه يا نور اعتذري اعترفي بغلطك  
 تعرفي نعتذري ولا لا

\* \* \*

(48)

نور: ازاي يعني  
 ليلى: يادي النيلة باكلم بنتي أنا  
 بصي يا أنسة الاعتذار لازم يبقى في دلع وهزار  
 نور: دلع إيه بعني  
 ليلى: يعني يا حبيبي يا روجي

حسسيه إنك بنته غني قولي له كلام حلو كدا  
نور: ما أنا باعمل كدا!  
ليلى: يا بت انت بتعملي كدا أه  
بس بتقلي بسرعة وهو طبيعي هيبقى قالب وشه  
لازم تخديه بالحنية و الدلع الرجالة بتحن  
نور: لا طبعًا اعمل ازاي كدا  
ليلى: يا بنتي هو أنا باقول لك تقلي قدامه  
أنا باقول دلع... فكي شوية ماتحسس هوش إنك واحد صاحبه  
نور: يا بنتي خالد صعب يتصالح لما بيقلب قلبته وحشة  
على قد حنيتها بتبقى قلبته  
ليلى بضحكة : طبيعي الرجالة بتحب تحس إنها أهم شيء في حياة البنات  
فهيعرف ازاي يقلب وشه ويتقمص  
علشان انت تتحايلي وتتدلعي, أو انسيه بقى  
نور: يا لهوي .. هتخوفيني ليه  
ليلى: امشي يا بت روجي صالحيه واتدلعي ها اتدلعي  
وانا قاعدة معاك لو في حاجة

\* \* \*

(49)

اللي ما يعرفش ليلى كويس يقول إنها غريبة متناقضة  
ازاي بتنصح باللي هي مش بتعمله  
بتشوف الرجالة مجرد سبحة بتزيد وتقل واحد

يمكن اللي هي وصلت ليه دا مش بإيديها وأي حد مر بالظروف والأشخاص  
 دي كان وصل لنفس النتيجة  
 وانا متأكدة إن كتير شايفينها غريبة حبة حلوة وحنة وحشة  
 علشان مش كل الناس بتعرف تشوف الشخص من جوا  
 على حقيقته كله بيتخدع في المظاهر والشكل اللي باين بس  
 ياريت كان كلنا نقدر نشوف بعض على حقيقتنا من جوا  
 كانت الحياة هتبقى أسهل قوي  
 ما كناش احتجنا للكذب والخداع والتمثيل  
 بس للأسف هي الدنيا ماشية كدا ما نقدرش نغيرها  
 نور 'كتاباتي عن صحابي'

\* \* \*

(50)

نور: الله خالد أون لاين على الفيس بوك  
 بس اصلح اللي حصل دا ازاى  
 اتدلع زي ما قالت لي ليلي  
 لا طبعًا هيقول عليّ اتجننت  
 بس هي الرخامة  
 نور: هاي  
 خالد: نعم  
 نور: اسمها وعليكم السلام يا أستاذ

خالد: عايزة إيه يا نور  
نور: نور.. لا يبقى انت زعلان مني بقى لسا  
خالد: عايزة إيه يا نور  
نور: عايزاك ما تزعلش مني بقى خلاص أنا آسفة  
خالد: وأنا مش قابل أسفك  
نور: لا والله .. تصدق أنا غلطانة  
خالد: أه غلطانة و أقسم بالله ما هاعديها  
مش دا حلفانك وحلفان على حلفانك ما هاعديها  
نور: أه .. طيب والحل إيه بقى  
خالد: ما فيش حل انتِ خلصتها أصلاً  
نور: انت من امتي كنت قاسي يا خالد؟  
خالد: من الصبح من ساعة ما قررتي تيجي على كرامتي  
من ساعة ما مشيت من ساعة ما بقيت نكد  
\* \* \*

(51)

خالد: عايزة تاني ولا دول كفاية  
نور: انت عايز تسيبني يا خالد  
خالد: انتِ اللي سبتيني يا نور  
وانتِ اللي خلصتي كل حاجة الصبح  
نور: انت عارف إني كنت متضايقه  
وبرضه عارف وأنا متضايقه باقى مجنونة


خالد: وانا مش قادر استحمل جنانك  
خلصت يا نور أنا هاقفل عايضة حاجة  
نور: طيب أنا آسفة بجد  
خالد: وانا مش قابل, آسف  
نور: يعني انت مش بتسامح  
خالد: أنا بشررنا بس اللي بيسامح  
لكن أنا بني آدم فما تطليش حاجة فوق طاقتي  
نور: حاضر.. سلام  
خالد: سلام

\* \* \*

(52)


آخر مقابلات الترم الأول  
دايمًا في آخر المقابلات  
بنبقى حابين نحط نهاية لكل الأشياء المتعلقة  
ودا بيخلينا نزود الحيرة والتعلق من غير ما نقصد  
احنا دايمًا شاطرين قوي في البدايات  
لكن النهايات بنبقى أغبيا  
دايمًا بنخلي النهاية هي بداية جديدة  
ما أجمل البدايات وما أقبح النهايات !!

\* \* \*



(53)

بكري: إيه يا حي وحشتيني  
داليا: وانت كمان يا حي  
خالد: عاملة إيه يا أميرة  
أميرة: أنا كويسة يا خلُودي  
خالد: الله حلو قوي منك  
أول مرة احب دلح لاسمي كدا  
أميرة بابتسامة خجل: لا دا أنا على طول اقولها لك بقى  
خالد: أيوة بقى  
أميرة: تصدق أنا زعلانة قوي إننا مش هننزل تاني  
داليا: والله وانا كمان  
داليا لبكري: وانت إيه رأيك  
بكري: آه طبعًا .. أكيد وانا كمان  
داليا: مش باين  
بكري: لا لا .... ازاي زعلان جدًا كمان  
نظرة الشك من خالد لبكري بتوصف رد بكري الغريب  
خالد: إحنا مش هننزل آه بس أكيد هنكلم بعض كل شوية  
أميرة: أكيد يا خلُودي  
بكري: طب يلا بينا ..  
علشان خلاص ناقص أسبوع على الامتحانات  
داليا: استنى شوية



بكري: لا يدوب احنا اتفقنا ربع ساعة وهنمشي  
داليا: خالد عايزك خمس دقائق  
بكري: إيه !!

\* \* \*

(54)

داليا: إيه عايزة أكلم خالد خمس دقائق على جنب  
إيه احنا مش كلنا صحاب ولا إيه  
بكري: أه طبعاً  
خالد: تعالى نتكلم يا داليا  
خالد: إيه يا بنتي في إيه  
داليا: شايف صاحبك  
هو ما له بيتكلم ليه كدا  
خالد: يا بنتي هتلاقيه مضغوط  
الامتحانات والمذاكرة  
داليا: طب وأنا  
خالد: استحمليه ماعلش ..  
هو الفترة دي يببقى صعب شوية  
داليا: يعني مبدأش يتغير من نحيتي  
خالد: وانتو لحقتي يا بت  
داليا: ما علشان كدا خايفة  
خالد: خايفة .... ليه

داليا: بكري غريب يا خالد  
كل ما باحس إني بدأت افهمه وخلص هوصله  
ألاقي نفسي بابعده عنه أكثر مش عارفة أوصل له  
باني حواليه ألف سد وسور أنت أكثر واحد فاهمه

\* \* \*

(55)

هو صحيح لكل فعل رد فعل  
وإن كل فعل غريب بيبقى رده أغرب  
بس دا قانون طول عمرنا عارفينه  
بس أوقات كتيرة الفعل بتبقى  
أوجع كتير قوووي من الفعل  
بكري

(56)

بكري: طب إيه هنفضل لبكرة هنا ولا إيه  
خالد: لا يا عم يلا بينا  
داليا: يلا  
خالد: تعالى يا بكري  
داليا: يلا يا أميرة  
خالد لبكري: ما لك يا نجم اهدا شوية

بكري: ياعم أنا هادي  
خالد: لا يا راجل مهو باين  
أميرة لداليا: اهدي يا بنتي في إيه  
داليا: أنا هادية اهو هو الي نرفزني  
خالد لبكري: ما لك في إيه؟  
انت متأكد إن انت بتحب داليا يا بكري  
بكري: إيه.... طبعًا باحها  
خالد بنظرة شك لا يفهما إلا بكري: متأكد؟  
بكري: متأكد جدًا كمان  
داليا للأميرة: يا بنتي والله أنا باعشقه, فاهمة؟  
عارفه يعني إيه باعشقه  
أميرة: عارفة والله  
داليا: إيه .. انتِ تعرفي الحب ازاي يا بت  
انتِ بتحيي ولا إيه  
أميرة: مصدومه أنا.... لا طبعًا هاحب مين ازاي !!

\* \* \*



(57)

الساعة: 11 ليلاً

محادثة موبايل قصيرة

"هو دا اللي حلمت بيه ضحكته نظرة عينيه"

داليا: مين الرخم اللي بيتصل دلوقتي

والله أيًا كان مين لاطلع فيه خنقتي

مين حبيبي سامحي يا رب على الحلفان الكذب

بكري: ألو

أميرة: انت ما تعرفش أنا قد إيه باعشك

باعشق صوتك, إحساسك, عيونك

كل حاجة يخرب بيتك ملكتي

بكري: ألوووو انتِ نايمة يا بنتي

داليا: إيه .. ألو إزيك يا بكري عامل إيه

بكري: مش كويس

داليا: ليه بس ما لك خير؟

بكري: مزعلك ودي حاجة مضايقاني بس قبل ما تتكلمي أنا بجد مضايق

ومخنوق, ضغط مذاكرة وبيت وامتحانات أنا أسف

داليا: ما تعتذرش يا حبيبي أنا عارفة

ولازم ناخذ هدنة مذاكرة علشان نقدر ننجح

حتى خالد وأميرة اتفقوا على كدا

بكري: كدا صح

\*\*\*

(58)

الهدنة

هي فترة الاستراحة في الحروب  
معناها إن كل واحد يعيد ترتيب جيشه  
يشوف مين معاه ومين ضده  
مين باعه ومين اللي حمى خطوطه  
بمعنى أصح هي فترة إعادة ترتيب الأوراق...  
\* \* \*

(59)

"يهمك في إيه أموت ولا اعيش دا كلام ما لكش تسألني فيه"

نور: مين اللي بيتصل دلوقتي

نور: ليلى

نور: ألو.. إيه يا ليلى عامله إيه؟

ليلى: مال صوتك

نور: مخنوقة قوي يا ليلى

ليلى: ليه بس خير

نور: سابني يا ليلى

وجعني قوي طلع قاسي معاي

ليلى: طب اهدي بس بالراحة يا حبيبي

نور: مش قادرة يا ليلى كسرني قوي

حتى ما لحقتش أقول أي حاجة

ليلى: بس لازم تهدي وتنسي كل حاجة

وتركزي في مذاكرتك بس  
نور: مذاكرة إيه أنا مش قادرة اعمل أي حاجة  
ليلى: انت بتحببيه قوي كدا  
نور: أنا باعشقه يا ليلى باعشقه

\* \* \*

(60)

سقاني الغرام كأساً من الحب صافياً  
يا ليته لما سقاني سقاكم  
متى يا كرام الحي عيني تراكم  
وأسمع من تلك الديار نداكم  
أمرّ على الأبواب من غير حاجة  
لعي أراكم أو أرى من يراكم  
سقاني الغرام .. سقاني الهوي  
كأساً من الحب صافياً  
يا ليته لما سقاني سقاكم

سقاني الغرام تراث"

(61)

نهاية الهدنة  
فلتبدأ مرحلة جديدة من الحرب  
ولكن بعد الهدنة لا أحد يتوقع الأحداث  
فلتبدأ المعركة

\* \* \*

(62)

2012/12/31

لحظات على انتهاء هذا العام  
الجميع يتمنى بداية جديدة  
الجميع يعلن مسؤولية هذا العام  
عن تلك الأحداث اللعينة

2013/1/1

الساعة 12: 1

فيس بوك شات

داليا: حبيبي كل سنة وانت طيب  
بكري: وانتِ طيبة يا حبيبتي عقبال كل سنة يارب  
داليا: يارب يا حبيبي

الساعة 12: 2

خالد: كل سنة وانتِ طيبة يا أميرة  
أميرة: وانت طيب يا خالد  
خالد: عايز اقول لك على سر جميل نبدأ بيه السنة  
أميرة: سر.... إيه قول  
خالد: أنا باحبك

\* \* \*

(63)

الساعة: 12: 10

إبراهيم: هاي .. إزيك يا ليلي  
ليلي: أهلاً إزيك يا إبراهيم  
عامل إيه  
إبراهيم: أنا الحمد لله  
انتِ إيه أخبارك؟  
ليلي: أنا الحمد لله تمام  
إبراهيم: حبيت أقول لك كل سنة وانتِ طيبة  
ليلي: وانتِ طيب يا إبراهيم  
إبراهيم: بس!  
ليلي: مش فاهمه!! قصدك إيه  
إبراهيم: يعني وانتِ طيب بس  
ليلي: أمال عايزني أقول لك إيه يعني  
إبراهيم: أي حاجة يا ليلي  
ليلي: بس أنا ما عنديش حاجة أقولها  
إبراهيم: ليلي هو انتِ شايفاني ازاي؟؟  
ليلي: عادي صحاب يا ابراهيم مالك  
إبراهيم: بس انا مش شايفك كدا يا ليلي  
ليلي: أمال شايفني إيه  
إبراهيم: ليلي أنا باحبك

\* \* \*

(64)


الفراق شهوة  
 بيتدى بلذة غريبة لطرف  
 وكسرة رهيبة لطرف ثاني  
 لكن أول ما تخلص شهوة اللذة لأول طرف  
 بتتحول لكسرة وندم  
 وبالنسبة للطرف الثاني  
 اللي بيتكسر ما بيتصلحش  
 ف بلاش نستني وهم انه يجي  
 واحنا عارفين إنه وهم

نور " من كتاباتي "

\* \* \*

(65)

الوحدة  
 لعنة الله على تلك الوحدة  
 الوحدة حبل ملفوف حوالين رقبتني  
 خنقة وإهمال وضعف وضحك  
 آه ضحك لازم أضحك مش عlishاني




علشان كل الناس شايفاني باضحك  
وانا مش باحب اصعب على حد  
فبياضحك حتى لو كذب  
أنا كداب

عليك 'كلام عمر مي' ما هاقولك"

\* \* \*

(66)

ليلي: إيه ....  
إبراهيم: آه باحبك يا ليلي من أول يوم شُفتك فيه  
سحرتيني بجمالك وعيونك  
ليلي: بس انا مش حاسة غير إننا اخوات يا إبراهيم  
إبراهيم: أنا هاعمل لك أي حاجة بس تحسي بكدا  
شوفي انتِ بتحيي إيه وهاعمله  
مش هاتحكّم فيك، هاسيبك تعملي اللي انت عايزة  
تصاحبي اللي انت عايزة  
تخرجي وقت ما تعوزي، تيجي برحتك  
حتى لبسك مش هاقول لك حاجة عليه  
بس حبيبي  
ليلي: يا إبراهيم الحب مش بالعافية  
مش هاقدر أحبك لما تقول كدا  
إبراهيم: بس أنا باحبك ما اقدرش اعيش من غيرك



ليلى: احنا صحاب بس يا ابراهيم  
ابراهيم: دا آخر كلام  
ليلى: آه  
ابراهيم: تصدقي أنا غلطان إني عبرتك  
أصلاً انتِ ..

\* \* \*

(67)

ابراهيم: انتِ أصلاً زبالة شوفي غلطي مع مين  
علشان كدا مش راضية وعاملة فيها شريفة  
ليلى: اخرس يا حيوان يا ابن الـ ... انت  
ليلى: والله لاعملم لك بلوك يا حيوان  
واهو block  
ابراهيم: ليلى ..  
ليلى: ابعد بقى  
إيه اتعمل لي بلوك  
أنا آسف بجد آسف

\* \* \*

(68)

" إبراهيم: والله أنا ما كانش قصدي بس انا اتوجعت جامد  
انتِ دُستي على كرامتي  
أنا ما كنتش طالب منك حاجة  
- اجمد يا واد انت هتعيط علشان بنت  
أنا عارف اني شتمتها بس  
أنا كنت طالب منها حاجة واحدة بس  
انها تحبني"

ليلى: الحب أصله عمره ما كان طلب  
أحبه ازاي لا شكله ولا شغله ولا مستواه ينفعني  
أنا استاهل أجمل منه بكثير  
بس شتمني, أول واحد يقول لي انتِ رخيصة وزبالة قوي  
أنا مش كدا والله ما كدا  
أنا مش متهارة في العياط علشان شتمني  
أنا باعيط علشان وجعني حسسني اني عريانة قوي  
زبالة أنا وهو زبالة مانفgesch برضه لبعض !!

\* \* \*

(69)

أنا عمر عيني عيني يا عيني ما دمعت إلا على كل شيء غالي

ليلى: مين الزفت دا كمان , ألو مين؟

نور: إيه يا بت ما لك صوتك معيطة ليه كدا؟

ليلى: بيشتمني الحيوان والله ما هاسيبه

نور: اهدي بس واحدة واحدة

مين اللي شتمك بس

ليلى: الزفت اللي اسمه إبراهيم

نور: اهدي بس ودا شتمك ليه

ليلى: قال إيه عايزني أحبه

نور ضاحكة ضحكة لم تفهمها ليلى

ليلى: انت بتضحكي!!؟

نور: اتصدمت الصراحة

ليلى: ماشي أنا هاوريه الحيوان دا

هاعلمه يشتمني ازاي

نور: طيب يا بنتي ما تعبريهوش

ليلى: عملت له بلوك أصلاً


ليلى: صبح, كنت متصلة ليه

نور: لا ولا حاجة كنت هارغي شوية معاك

بس خلاص هنخلها وقت تاني.. سلام

ليلى: سلام

\* \* \*



(70)

أنا قفلت مع إني كان نفسي أعيط  
أصرخ، أطلع اللي جواي كله  
لكن لما لقيتها بتعيط  
كان لازم اسكت وما انطقش  
علشان لو كنت حكيت  
كان هيبقى موجوع بيضطرب على موجوع  
فمش هنسمع غير ما علش  
وفي الآخر هنلبس وشه إنه كله تمام  
إنسان بيدور على إنسان علشان يرد فيه الروح !!  
نور 'كتاباتي عن صحابي'!!

\* \* \*


(71)

2014/2/10

المكان: ساحة آداب

الساعة: 11

داليا: أخيراً يا بت رجعنا نتلم تاني  
أنا هاطير من الفرح  
أميرة: وانا كمان  
أنا حاسة إني أول مرة هاشوف خالد  
داليا ضاحكة: الحب بهدلة يا أختي  
هي أول مقابلة بعد الارتباط بتبقى صعبة



داليا: مع إنك ندلة وكنت بتخي عليّ  
أميرة: يا كوكو الموضوع جه مرة واحدة وانت عارفة  
داليا: بس خي بالك بقى علشان إبراهيم الرخم  
جاي معاهم  
أميرة: لا ما تقلقيش  
داليا: اهم جم  
داليا: أهلاً أهلاً  
علي: أهلاً يا اختي  
بكري: أهلاً يا حي .. واحشني يا واد  
داليا: وانت كمان واحشني قوي  
داليا: إزيك يا إبراهيم  
إبراهيم: تمام  
بكري: وخالد ما لهوش إزيك

\* \* \*

(72)

داليا: نو خالد ليه أميرة يا زكي  
بكري: عندك حق  
أميرة متأملة عين خالد  
خالد: أهلاً أنا خالد أعرفك بنفسي  
أميرة: يا رخم بقى




خالد: أصل حسيتك مصدومة مني  
أميرة: لا يا حبيبي مش مصدومة  
خالد: إيه عيدها تاني كدا  
أميرة: حبيبي وبابا وكل حاجة  
خالد مصدوم دا كلام نور  
أنا إيه اللي باعمله دا  
أميرة: أنا ضايقتك يا خالد  
خالد: هاه ..لا لا  
أميرة: أمال ما لك  
خالد: لا ما ليش تعبان شوية  
أميرة: سلامتك يا حبيبي  
خالد: أنا عايز أجيب قهوة  
أجيب لحد معاي  
بكري: استنى أنا هأجي معاك  
خالد: يلا  
بكري: يلا

\* \* \*

(73)

بكري: ما لك يا خالد  
خالد: مصدوم يا بكري  
شاييف نور قدامي كلامها هزارها



إحساسها كل حاجة  
بكري: وانت جاي تاخذ بالك دلوقتي  
خالد: أنا غلطت يا بكري  
أنا عايز امشي  
بكري: استتنا نص ساعة وهعمل كأني وراي مشوار  
ونمشي كلنا سوا  
خالد: يا ااريت  
علشان بجد مخنوق قوي  
بكري: تعالي نقعد بس  
خالد: والقهوة  
بكري: مالهاش قيمة دلوقتي  
بعدين نبقي نشرها  
داليا: ما جيتوش قهوة ليه  
بكري: لا أقنعتة بلاش أحسن على الصبح  
داليا: شطور يا حبيبي  
خالد: بكري هالة اهي  
بكري: فين  
هالة: أنا اهو

\* \* \*

(74)

هالة: تصدق يا بكري انك ندل ومش بتسأل

بكري: عيب يا بنتي انتِ أختي

عاملة إيه؟

هالة: أحسن منك يا اخويا

بكري: دائماً يا اختي تعالي اقعدي

هالة: إزيك يا خالد

خالد: تمام يا ن.. تمام يا هالة

هالة لبكري: هو مال خالد

بكري: تعبان شوية

هالة: إزيك يا داليا

داليا: تمام

بكري: دي أميرة . أميرة دي هالة

هالة: إزيك يا أميرة

أميرة: تمام وانتِ


هالة: تمام

بكري: علي وابراهيم .. هالة

هالة: أهلاً . أهلاً

هالة: تصدق بقى يا بيبي انك ندل

داليا: بيبي



هالة: يا دي باقولها له من زمان  
داليا: حلو قوي يا بيبي

\* \* \*

(75)

بكري: إحم إحم  
هالة: ما لك يا بيبي  
علي: رد يا بيبي  
بكري: بس يا واد  
أنا بيبي أه لكن راجل قوي  
علي: لا مهو واضح يا بيبي  
بكري لخالد: إيه يا عم فوق معاي شوية  
خالد: معاك تمام  
أميرة: ما لك يا خالد  
خالد: لا يا حبيبي ما ليش  
إبراهيم لعلي: هو مش خالد مرتبط ب نور برضه  
علي: ملكش دعوة انت يا عم سيبي انام  
إبراهيم: هي بقت كدا تمام تمام  
هالة لبكري: طب باقول لك إيه يا بيبي أنا هامشي  
وهبقى اكلمك بليل بقى  
بكري: ماشي يا اختي  
هالة: سلام يا جماعة

سلام  
داليا: أنا عايزة امشي يا جماعة  
بكري: يا بنتي استني  
داليا: لا تعبت وعايزة اروح  
خالد: طب يلا بينا

\* \* \*

(76)

خالد: ولا انتِ إيه رأيك يا أميرة  
أميرة: آه ياريت يلا نمشي  
خالد: آه يلا  
أميرة بصدمة لم تفسرها  
ليه كل اللي بيحصل دا أصلاً  
هو مين اللي غلط علشان كل دا  
إبراهيم: دي احلوت قوي كدا  
علي: هو احنا لحقنا يا جماعة  
بكري: ماعلش نتجمع يوم تاني  
أميرة: آه يوم تاني بقى  
خالد: قريب إن شاء الله

" السكوت مش دايماً علامة الرضا  
أوقات السكوت بيبقى علامة عجز التعبير

أو الصدمة أو الحزن  
كل واحد ييسكت السكوت اللي محتاجه  
السكوت طريق السلامة"

\* \* \*

(77)

حلو قوي كل واحد بدأ يلعب على مصلحته  
بواحدة واتنين يبقى دوري بقى لعبتي  
وربنا يوريك الطيب لما يقرر يقلب ويدور على مصلحته  
هابتدي اللعب  
إبراهيم " أنا ومن بعد مع الطوفان "

\* \* \*

(78)

2013/2/15

الساعة: 10 صباحًا

"ماقدرش انا ع اللي عيني شايفاه وماجاش في بالي"

أميرة: بصوت نائم ألو مين  
خالد: إيه يا أميرة أنا خالد  
أميرة: إيه يا خالد في إيه  
خالد: ممكن تفوق وتكلميني عايزك ضروري  
أميرة: حاضر هافوق وعشر دقائق وهاكلمك



خالد: سلام

أميرة هو حد يتصل بدري كدا أه يا دماغى

خالد: يلا بقى اتصلي

"بديت القصة تحت الشتي"

خالد: ألو

أميرة: إيه يا حبيبي انت قاعد على الزرار

خالد: عاملة إيه يا أميرة

أميرة: كويسة مالك يا خالد

خالد: بصي يا أميرة أنا قاعد بافكر من امبارح

اللي احنا عملناه كان غلط ما كانش ينفع

نور ما تستاهلش مننا كل دا

خالد: ألو .. أميرة انتِ سامعاني؟

أميرة: أه سامعك كمل

خالد: أكمل إيه؟ خلاص

أميرة: روح لنور يا خالد

الغلطة اني قبلت بكدا

\* \* \*

(79)

أميرة: نور صاحبة عمري قبل ما تكون حبيبتك  
خالد: أنا آسف والله مش قص..

أميرة: ما تكملش يا خالد

أنا اللي أسفة

أميرة: عايز حاجة قبل ما اقفل

خالد: عايزك ما تزعليش مني

أميرة: ربنا ما يجيب زعل

سلام

خالد: سلام

"ياريتني ما صحيت مقومني يقتلني من العياط والوجع

أنا نور صاحبة عمري ما خنتهاش أنا بس حبيت

يا خسارة على كل حاجة"

\* \* \*

(80)

الأول احنا بنتعود على الحاجة لحد ما ندمنها

وبعد فترة من إدمانها

بتبقى الحاجة هي اللي اتعودت علينا

ياريتني ما حبيتك بس مش بايدي

أنا أدمنتك !!

أميرة

(81)

فيس بوك شات

هالة: واد يا بكري  
بكري: عيون بكري  
هالة: انت ارتبطت بداليا يا واد؟  
بكري ضاحكًا: آه  
هالة: ما بتعرفش تنقي يا واد  
تعرف أنا اعرفها من زمان لكن مش بارتاح لها  
بكري: ليه بس  
هالة: رخمة كدا بس يلا القرد في عين امه بقى  
بكري: هتفضلي دبش في كلامك يا بت انتِ  
هالة: يا واد ما انا كنت قدامك  
بكري ضاحكًا: لا لا انتِ. هو انا اتجننت  
انتِ أحلى آه لكن صعبة  
ما بتحبيش حد يمشي كلمته عليكِ  
بخيلة في الكلام الحلو  
بتخافي لا حد يمتلكك فبتهربي وقت الجد  
هالة: عندك حق أنا صعبة قوي  
خليك في السهل  
بكري: عيب انتِ اختي يا هبلة  
هالة: عارفة يا اخويا

\* \* \*

(82)

"قطر الحياة بيعدى بسرعة سنة في سنة"

بكري: ألو

داليا: ألو

بكري: خير يا داليا

داليا: ما لك يا بكري؟

بكري: مالي أنا تمام اهو؟!؟

داليا: انت كنت فاتح فيس بوك ليه

بكري: عادي كنت فاتح حرام

داليا: ما كنتش بتكلم حد؟

بكري: لا. وبعدين هو تحقيق؟

داليا: هو حرام أعرف؟

بكري: داليا أنا اتخنقت

داليا: طيب أنا عايزة أشوفك بكرة لوحدينا ممكن

بكري: طيب بكرة الساعة 11 نتجمع

داليا: في الكلية

بكري: أه في ساحة آداب

انتِ هتعملي إيه دلوقتي علشان هانام

داليا: نام يا بكري تصبح ع خير

بكري: وانتِ من أهله سلام

داليا: سلام

\* \* \*

2014/3/25

المكان: ساحة آداب

داليا: إزبك يا بكري  
بكري: تمام يا داليا وانتِ  
داليا: ما لك يا بكري بقى لك يومين متغير  
ما بتردش عليّ كويس في إيه  
بكري: ما علش يا داليا  
داليا: هو النهاردا كام في الشهر  
بكري: 25 اشمعنا  
داليا مطلعة بورقة من شنطتها: اتفضل كل سنة وانت طيب  
بكري: دا عيد ميلادي أيوة  
تصدقني كنت ناسيه خالص  
بكري: بس إيه الهدية بقى لما نشوف  
بكري: إيه دا...! يخرب بيتك  
دا أنا الرسمة حلوة جدًا شبيبي بالظبط  
بكري: أنا باحبك يا بت  
داليا: وانا باحبك يا حبيبي

"قطر الحياة بيوعي بسرعة سنة في سنة"

بكري: ألويا خالد

خالد: كل سنة وانت طيب يا واد

بكري: وانت طيب أحي

خالد: هنتجمع بالليل يا واد ها

بكري: عيوني تمام

\* \* \*

(84)

عيد الميلاد ذكرى حلوة

بس لما بيوعي عليك وانت ما عملتش أي حاجة لنفسك

لما تبقى الذكرى مجرد عداد بيزيد رقم

وانت ثابت

الدنيا كلها بتتحرك وانت بس اللي واقف


لما كله بينجح وانت فاشل

بتبقى ذكرى صعبة قوي ووحشة جدًا

كل عيد ميلاد وانا زي ما أنا

بكري

\* \* \*



(85)

الساعة: 5 مساءً

فيس بوك شات

هالة: كل سنة وانت طيب يا واد  
انت اخويا وصاحبي الجدع شایل أسراري من زمان  
انت ضهرو وسند بجد  
عقبال المية يا واد  
بكري: هالة, حي, وانت طيبة  
بجد شكراً قوي على الكلام الحلودا  
هالة: يا واد دا قليل عليك أصلاً  
بكري: الله يكرمك اكبير  
إبراهيم: هاي  
نور: إبراهيم ودا عايز إيه مني  
نور: هاي  
إبراهيم: إزيك يا نور  
نور: أنا تمام خير يا إبراهيم  
إبراهيم: باختصار أنا هاعمل معاك اتفاق  
هاقول لك شيء مقابل تعملي لي شيء  
نور: انت بتقول إيه  
إبراهيم: اسمعي بس  
انت اللي هتكسي  
إبراهيم: وانا اللي هابدأ الطلب بتاعي الأول

(86)

داليا: حبيبي  
بكري: أيوة  
داليا: أيوة .. ما لك يا بكري  
بكري: مخنوق يا داليا  
بصراحة مش قادر أكمل  
داليا: مش قادر تكمل إيه!  
بكري: مش قادر أكمل في علاقتنا يا داليا  
مخنوق ومضغوط وكل حاجة  
داليا: طب أنا قصرت في حاجة  
بكري: أرجوك ما تعيطيش أنا مش ناقص ضغط  
بجد أنا تعبان  
وكدا هيبقى أريح لينا  
داليا: لا من فضلك ما تقولش لينا  
قول ليك انت  
بكري: أنا باشوف الانسب لينا احنا الاتنين  
داليا: كداب  
انت من إمتي بتحسبها بإحنا  
انت مش بتحسبها غير من ناحيتك انت ويس  
لكن أنا أولع مش مهمة في حياتك أصلاً  
تصدق أنا حاسة انك هتقول كدا وعمالة أكذب في نفسي  
لكن طلعت صح ما حدش في يوم هيقدر يفهمك

(87)

داليا: امشي يا بكري  
ولو لقيت حد يعاملك ويحس بيك زي ابقى قل لي  
بكري: أنا مش هادور أنا ما ينفعش اعيش غير لوحدي  
داليا: ما تفوق بقي من الوهم دا  
بكري: وهم!  
داليا: أه وهم عايش دور أكثر واحد مكسور ومخنوق  
تقدر تقول لي انت زعلان ليه  
مش هتعرف تنطق عارف ليه علشان انت بتمثل  
حبيب دور الضحية اللي ما لوش شبه  
أكثر واحد بانس من غير سبب صح كدا  
قلتها لي زمان وما فهمتهاش غير دلوقتي  
أنا صعب, اللي يقرب مني بيفتكر إنه فاهمني  
لكن على آخر لحظة بيطلع إنه كان يبيعد مش بيقترب.  
آخر كلمة هاقولها لك لو فضلت كدا هتموت لوحديك  
سامع؟ هتموت لوحديك  
بكري: سامع ... أنا آسف  
داليا: لا يا راجل ما تعتذرش عادي ولا يهملك  
امشي يا بكري أنا مش طايقاة أسمعك ولا أشوفك  
سلام  
بكري: سلام

\* \* \*

(88)

كان لازم أعمل كدا  
القلم اللي بيتزل على وشك  
من أكثر حد مش متوقع منه إنه يأذيك  
دا بيخليك في حالة جنون  
بتحاول تعمل أي حاجة تدافع بيها عن نفسك  
وانا رديت القلم عشرة  
بس للأسف ال 11 قلم كانوا على وشي  
علشان للأسف لسا باحبه!  
يا ريتني ما عرفتك يا أخي

داليا

\* \* \*

(89)

2014/4/1

كدبة إبريل

فيس بوك شات

رسالة موجودة على موبايل بكري  
بكري: مين على الصبح ... هالة  
هالة: بكري أنا باحبك جدًا وما اقدرش أعيش من غيرك  
أنا باعشقتك فعلاً من زمان  
بكري: إيه .....! دا اللي هو ازاى

أرد عليها بإيه؟  
أنا ساعات باحن لها، لا أنا طول عمري شايفها أختي  
بس هي حلوة جدًّا وأنا بافرح وأنا معاها بس مش هأرُد  
بكري: لا هأرُد

نور: أنا ما وافقتش أصلاً لازم أعرف أنا هاكسب إيه الأول  
إبراهيم: بصي يا ستي انتِ هتديني رقم ليلى  
نور: نعم .. لا طبعًا مستحيل  
إبراهيم: اعرفي الأول إيه المقابل  
نور: مهما كان مستحيل  
إبراهيم: المقابل خالد  
نور: إيه اللي دخل خالد في الموضوع  
إبراهيم: الموضوع كله أصلاً خالد  
نور: مش فاهمة حاجة  
إبراهيم: هافهمك ....

\* \* \*

(90)

بكري: هالة وأنا كمان باحبك  
هالة: إيه .. انت بتقول إيه  
بكري: باقول لك باحبك  
هالة: يا بكري ما ينفعش

بكري: ماينفعش ازاي  
هالة: دي كانت كدبة إبريل افهم بقى  
بكري: إيه . كدبة إبريل  
إزاي يعني  
هالة: أنا بعته لـكل صحابي ما كانش قصدي بجد  
بكري: انتِ مجنونة صح  
هالة: شكرًا على فكرة  
بكري: يعني انتِ مش بتحبييني يا هالة؟  
هالة: إحنا صحاب وبس يا بكري  
بكري: لا بجد؟  
هالة: آه يا بكري  
بكري: لينا كلام بالليل يا هالة  
هابقى اتصل بيك بالليل  
هالة: ماشي  
بكري: سلام  
هالة: سلام

\* \* \*

(91)

كدبة ابريل  
هو اليوم اللي مسموح فيه بالكذب  
على أساس إننا باقي الأيام صادقين  
بس الحقيقة



هالخص لك الموضوع في كلمتين  
بس بجد صعبانة عليّ مش عارف هتستحملي ازاي  
نور: باقول لك إيه يا إبراهيم احكي  
وبلاش المقدمات السخيفة دي  
إبراهيم: ماشي بصي بقى

\* \* \*

(93)

إبراهيم: خالد وأميرة بيحبوا بعض  
واحتمال كبير يكونوا ارتبطوا  
بس ما هانش عليّ تبقي مضحوك عليك  
وما تعرفيش حاجة  
نور: إيه ... انت اتجننت يا إبراهيم ولا إيه  
خالد وأميرة أكيد اتجننت  
إبراهيم: أنا كان دوري أبلغك  
تصدقي ما تصدقيش دي حاجة تخصك  
ما على الرسول إلا البلاغ  
نور: إبراهيم انت بتتكلم بجد؟ متأكد يعني؟  
إبراهيم: والله مش باكدب عليك  
انت غالية قوي عندي على فكرة  
نور: إبراهيم أنا هاقل ما علش  
إبراهيم: ماشي بس خلي بالك على نفسك

نور: سلام  
إبراهيم: سلام

\* \* \*

(94)

أنا مش وحش  
لكن انتو دايماً اللي شايفيني وحش  
فما دام باين في عيونكم إني وحش  
مش فارقه بقى أعمل إيه  
المهم إن ما حدش يكون أحسن مني  
هي لعبة وبتدور  
وانا جا لي الدور

إبراهيم

\* \* \*

(95)

وخايف أوعدك ما اوفيش أقول لك فيه تلاقي ما فيش  
هالة: دا أكيد بكري .... هو  
هالة: ألو  
بكري: إيه يا هالة  
هالة: إيه  
بكري: اتفضلي اتكلمي إيه اللي حصل الصبح

هالة: يا ابني باهزر حرام أهزر معاك  
 بكري: هالة انت مش بتحبيني يعني  
 هالة: حتى لو عمرها ما تنفع يا بكري انت اخويا  
 وداليا صاحبتى وانا عمري ما هاطلع خاينه  
 بكري: حتى لو ما فيش بيننا أنا وداليا حاجة دلوقتي  
 هالة: حتى لو يا بكري هي بتحبك باين قوي عليها  
 انت ما اقدرش اقول بتحبها ولا لا, مش بيبان عليك حاجة  
 بكري: أنا سؤالي واضح, بتحبيني؟  
 هالة: ربح نفسك عمري ما هاقولها احنا صحاب  
 ولا انت إحساسك إيه  
 بكري: أه صحاب بس بنستعبط  
 هالة: بنستعبط ازاي يعني  
 بكري: بعدين أقولك أنا هاقفل يا هالة .. سلام  
 هالة: سلام

\* \* \*

(96)

الساعة: 10 مساءً

المكان: قهوة الخليفة

تراييزة 8

قهوة بكري بالسيجارة المعتادة

قهوة خالد وسيجارته في وقت الأزمات

قهوة عبد الهادي بالسيجارة التي لم يغيرها

قهوة بالحليب وشيشه خوخ في يد علي

خالد: أنا جمعتكم النهاردا علشان مخنوق

لازم أحكي لكم تعبت من شيل الهم لوحدي

عبد الهادي: احكي يا صاحبي

خالد: أنا خربت الدنيا, ارتبطت بأميرة صاحبة نور

وبعديها على طول سبتها علشان حسيت إني باخون نور

أنا وجعت أميرة قوي

وجعتها مرتين مرة لما سبتها

وتاني مرة لما حسستها إننا خُنْنَا نور صاحبتها

أو أختها زي ما قُلْت

أنا ضعفت ما غلطتش

علي بنرفزة نادرًا ما تظهر عليه: لا يا صاحبي ما تزعلش

أنا مش هاطبطب عليك, انت خاين

\* \* \*

(97)

علي: وخاين غبي كمان

عارف كان ممكن تكون سهلة

لو ما خنتهاش مع أقرب واحدة لها

انت كنت بتفكر في إيه ساعتها ؟

عايز تقتلها؟ ما قبلتش يكون قلم واحد, لأ

لازم يكون 3 أقلام على وشها في مرة واحدة  
انت وصاحبتهما في مرة واحدة يا راجل حرام عليك  
عبدالهادي: اهدا يا علي ....  
كلنا بنضعف يا أخي غلط آه غلط أنا معاك  
بس في لحظة ضعف ممكن تعدي  
بكري: لا يا صاحبي انت عملت غلط صعب قوي يتعدى  
انت شُفت في عيون أميرة صورة نور  
ودا اللي خلاك تضعف وترجع للصبح  
بس المهم إنك رجعت  
خالد: يا جماعة أنا عارف إني غلطت ومعترف  
بس تعبان بجد  
بكري: أنا كمان عايز أحكي عن حاجة حصلت  
علي: لا لا استنوا بقى  
لو سمحت ولعة على الحجر

\* \* \*

(98)

بكري: أنا سبت داليا  
خالد: نعم يا اخويا  
دا ليه؟  
بكري: الموضوع إني اتخنقت مش بإيدي  
مش حاسس بأي حاجة مش باحس بفرحة لما أسمع كلمة حلوة

مش حاسس بالأمان  
هي عمرها ما قصرت معاي في أي حاجة  
بس أنا تعبان  
علي: انت حبيتها أصلاً يا بكري؟  
بكري: إيه ...؟ أه حبيتها  
خالد: أمال سبتها ليه؟  
بكري: ما اعرفش  
عبد الهادي: انت في حد جديد دخل حياتك يا بكري  
بكري مشيراً برأسه: أه في حد  
خالد: هالة صح  
بكري: انت عرفت منين  
علي: باين يا حبيبي مش بتشوفوا نفسكم لما تشوفوا بعض  
خالد: فعلاً كان باين يا بكري  
بكري: بس ما فيش بينا ارتباط يعني  
علي: ودا ليه ما دام بتقول إنكم بتحبوا بعض

\* \* \*

(99)


بكري: علشان كانوا في يوم صحاب  
خالد: يا ابني انت بتحب هالة  
بكري: أنا مش عارف أنا عايز إيه ولا مين  
عبد الهادي: انت محتاج تفكر كويس يا بكري  
خالد: كلكم علقتموا لي المشانق وكلنا خارين الدنيا

مشاكل وغباء و حيرة  
بكري محتار نفس حيرتي  
وعلي حابس نفسه في النوم والهروب  
عبد الهادي ما فيش جديد في حياته ملل  
خالد: كلنا شبه بعض ما حدش عاجبه حاله  
ما حدش أحسن من حد  
بكري: يلا بينا كفاية كدا

\* \* \*

(100)

هدنة مرة أخرى  
الكل يحتاج إلى إعادة ترتيب أوراقه والتفكير  
خالد بيفكر يواجه نور  
نور بتفكر تكذب الحقيقة  
أميرة بتفكر تفوق من الصدمة  
داليا بتفكر تبقى قوية لوحدها  
بكري بيفكر يختار  
إبراهيم بيفكر إزاي يكسب ليلي  
علي بيفكر يفوق من هروبه الدائم  
ليلي بتفكر هي مبسوسة ولا لا  
هالة بتفكر تنسى الصحوية  
عبد الهادي بيفكر إزاي يضحك



فلتبدأ بداية العام الدراسي الثاني

\* \* \*

(101)

أنا عمري عيني عيني يا عيني عمر عيني ما دمعت

ليلي: نمره غريبه يا ترى مين

ليلي: ألو مين

إبراهيم: ألو يا ليلي أنا إبراهيم

ثواني بس ما تقفليش أنا عايز أعتذرلك

والله ما كنتش أقصد أزعلك

ليلي: خلاص يا إبراهيم وعايز إيه دلوقتي

إبراهيم: عايزك بس ما تزعليش مني

ونبقى صحاب عادي زي كل الناس

ليلي: الزعل مش زعلانه يا إبراهيم

واحنا أصلاً صحاب مافيش حاجة عادي

إبراهيم: يعني خلاص عادي بجد

يعني هتشيلي البلوك علشان أقدر اتطمئن عليك بس

ليلي: حاضر يا إبراهيم هاشيله

إبراهيم: شكراً قوي يا ليلي

أنا باحبك


ليلي: تاني يا إبراهيم

إبراهيم: كصحاب بس مش أكثر  
ليلي: طيب يا إبراهيم ... أنا هاقفل عايز حاجة  
إبراهيم: لا خلي بالك من نفسك بس .. سلام  
ليلي: سلام

\* \* \*

(102)

وخايف أوعدك ما اوفيش أقول لك فيه تلاقي ما فيش  
هالة: ألو  
بكري: إزيك يا هالة عاملة إيه؟  
هالة: كويسة انت إيه أخبارك؟  
بكري: تمام  
بكري: وحشتيني يا هالة  
هالة: ما ينفعش يا بكري احنا صحاب وبس  
بكري: واحنا كصحاب ما ينفعش بيننا وحشتيني  
هالة: لا ينفع بس دلوقتي ما ينفعش برضه  
بكري: علشان داليا صح  
هالة: ومش داليا بس يا بكري  
بكري: أومال  
هالة: أنا ارتبطت  
بكري: إيه ... ارتبطي ازاي



هالة: ارتبطت زي كل الناس

بكري: بتحبينه !!

هالة: جدًّا على فكرة ... كدابة وبابن في عينيك

\* \* \*

(103)

أنا عارفة اني كدابة

بس أهون بكتير من خاينة

أنا آه باحبه لكن

يوم ما اقولها له هابقي يومها قررت إنني أخسره

وانا مش عايزة أخسره!!

هالة

\* \* \*

(104)

الصراحة صعبيه بس بتريح

أنا عارف إن مش سهل أعترف بالخيانة

وهي باقتلها وهي بتسمع بس لازم

أبقى خاين أهون بكتير ما أبقى كذاب

خالد

\* \* \*



(105)

الفيس بوك شات

خالد: هاي يا نور إزيك

نور: أنا الحمد لله تمام انت إيه أخبارك

خالد: الحمد لله تمام

نور أنا عايز أقابلك بكرة ممكن

نور: بكرة .. صعبة بس هاحاول

خالد: لا لازم مغلش بكرة هاستناك الساعة 11

عند ساحة آداب

نور: ماشي يا خالد ربنا يسهل

خالد: هاستناك

نور: ماشي يا خالد

خالد: سلام

نور: سلام

"الوحدة مرض والسكوت عادة

والدنيا مُصِّرة تعاندي في كل حاجة


بس هو النصيب

مسيرها في يوم هتضحك, حتى لو ما ضحككتش

كفاية إني أنا باحاول أضحك

حتى لو على نفسي"

عبد الهادي



(106)

الساعة: 11 الصبح

المكان: ساحة آداب


خالد: إزيك يا نور  
نور: كويسة إزيك يا خالد  
خالد: أنا الحمد لله  
خالد ناظرًا في عين نور  
محاولاً تجميع قوته للصدمة  
خالد: نور أنا خنتك ... أنا ارتبطت  
نور: بأميرة... صح  
خالد في عز صدمته: انتِ عرفتِ منين  
نور: مش مهم عرفت ازاي ولا منين  
حسيت بيبك حسيت بوجع قلب غريب عليّ  
شفت في نظرتها ليك إحساسي أنا  
ليه يا خالد ليه عملت كدا ومع مين, أميرة  
ما لقيتِش غيرها يعني  
خالد: نزوة ..كلنا بتغلط  
أنا عارف إن غلطتي ما تتغفرش  
بس أنا بشر باغلط وبضعف  
مش سيدنا يوسف أنا  
نور: يعني أنا لو غلطت وبقي عندي نزوة

هتخلق لي العذر وتشوفني إني مش ستنا مريم  
ولا هتشوفني حقيرة ضعيفة  
خالد: أنا ....

\* \* \*

(107)

خالد: أنا باحبك يا نور .. فعلاً باحبك  
نور باكية: انت وجعتني قوي يا خالد  
خالد: أبوس إيدك ما تعيطيش أنا عارف إني غلطت والله  
بس بجد اكتشفت إني باحبك جداً  
نور: وأميرة يا خالد  
تنساها خالص تمسحها من حياتك ومن الفيس  
ومن كل حاجة  
خالد: نبقى نتكلم في الموضوع دا بعدين  
نور: لا يا خالد تمسحها  
خالد: حاضر  
نور: بس هو دا طلبي وبعديها هاحاول أنسى  
بس لو قدرت  
خالد: عيوني بس طالب منك طلب, سامحها  
أنا اللي غلطت مش هي  
نور: أسامحها, صعبة قوي  
أنا آخري أكلمها عادي لكن ترجع تاني نفس مكانتها لا



صعبة قوي قوي  
خالد: على فكرة بقي انت زي القمر  
وباحبك قوي  
نور: وانا لسا باحبك وقوي كمان

\* \* \*

(108)

أنا عارفة إنه صعب أنسى  
بس لازم أحاول  
لأنني باحبه ما اقدرش أشوف حد غيره  
خالد مش بس حبيبي خالد أبويا وسندي  
يارب ما يوجعني تاني  
وأميرة أختي ربنا يرحمها  
دلوقتي أنا أعرف واحدها اسمها أميرة  
لكن الحقيقة إني ما اعرفهاش !!

نور

\* \* \*

(109)

فيس بوك شات

أميرة: هاي إزيك يا نور  
نور: أهلاً أهلاً صاحبتني لالا قصدي أختي  
أميرة: نور أنا ما استحقش لقب أختك

أنا خنتك مع خالد  
 نور ضاحكة ضحكة استفزاز: قديمة  
 أميرة: قديمة ازاي  
 نور: يعني عارفة أنا مش عبيطة يا أميرة  
 أنا كنت حاسة واناأكدت إن كان في حاجة بينكم  
 أميرة: مش دا الموضوع .. الموضوع  
 نور: الموضوع إن انتِ خنتيني يا صاحبي  
 بس للأسف كنتِ خايبة، نزوة فاشلة  
 ورجع لي تاني ورمالكِ  
 أميرة: ما لهوش لازمة الكلام دا ..  
 أنا بس عايزاكِ ما تزعليش ميني انتِ أختي  
 هو خلاص مش فارق معايِ  
 نور: وما خدتيش بالك من الأخوة وانتِ بتحببيه؟  
 عايزة أعرف إحساسك وانتِ بتقولي له يا حبيبي  
 وانتِ بتمسكي إيديه إزاي كنتِ بتقدري إزاي  
 أميرة: أنا أسفة سامحيني  
 نور: بصي صعب أنسى بس علشان الأيام الحلوة والصحوية  
 لما أشوفك في مكان هاسلم عليكِ واطلع أصيله ..سلام  
 أميرة: سلام

\* \* \*

(110)

أنا لسا باحيك آه  
لكن كفاية قوي كدا  
خليني في دنيتي وأسيبكم في دنيتكم  
أنا عمري ما كنت شهكم خلوني في حالي  
وانتو خليكم مع بعض أريح  
أنا هاقل الصفحة دي وابتدي من جديد  
كفاية قوي كدا  
أمبره

\* \* \*

بداية التيرم الثاني للعام الثاني

(111)

"هو دا اللي حلمت بيه ضحكته نظرة عينيه"  
داليا: بكري !! عايز إيه  
داليا: ألو  
بكري: ألو .. إزيك يا داليا  
داليا: لا فيك الخير والله د.. أنا الحمد لله تمام جدًا وانت؟  
بكري: الحمد لله .. ممكن تسمعيني دقيقة  
داليا: اتفضل  
بكري: أنا عارف اني غلطت وتعبتك كثير

بس بجد مش قادر أكمل لوحدي  
 عايزك جنبي وعارف إنك لسا بتحبييني  
 انتِ قُلتي لو لقيت اللي يحبك قدي ما تجيش تاني  
 بس أنا ما لقيتِش ولسا باحبك  
 داليا: وإيه اللي أكد لك إنني لسا باحبك؟!  
 بكري: بتحبييني أنا عارف  
 طب سؤال وتجاوبيني بصراحة  
 لسا بتحبييني يا داليا..؟  
 داليا: .... آه لسا يا بكري  
 بكري: وأنا كمان باحبك جدًّا بقى  
 داليا: ممكن ما تبعدهش تاني علشان خاطري  
 بكري: عيوني

\* \* \*

(112)

حسين: أميرة لو سمحتِ  
 أميرة: أيوة يا دكتور نعم  
 حسين: أولًا أنا مش دكتور أنا لسا معيد في الكلية  
 أنا اسمي حسين سراج الدين  
 33 سنه أسرتي الحمد لله في مستوى مادي كويس  
 عندي أخ وأخت الاتنين متجوزين ناقص أنا  
 أميرة: أنا أسفة يا دكتور بس أنا إيه علاقتي بالكلام دا

حسين: بصي أنا مش باعرف ألف ولا أدور هاكلمك بصراحة  
أنا متابعتك من فترة وعرفت إن أخلاقك كويس  
أميرة: متابعتي أنا .. ليه خير  
حسين: علشان كنت عايز أعرفك قبل ما أقول لك الكلام دا  
أنا عايز أعرفك كويس يا أميرة  
أميرة: في إيه يا دكتور أنا مش فاهمة حاجة  
حسين: انتِ في حد في حياتك يا أميرة  
أنا آسف سؤال فضول بس لازم  
أميرة: مع إني مش فاهمة مناسبة الكلام دا كله بس ماشي  
لا ما فيش حد  
حسين: الحمد لله ما تتخيليش أنا كنت دا يخ علشان أعرف إجابة السؤال  
دا  
أميرة: عايز إيه يا دكتور  
حسين: عايز اتقدم لك وآجي أقابل أهلك  
أميرة: ..... نعم!!


\* \* \*

(113)

قطر الحياة بيوعي بسرعة سنة في سنة  
بكري: حبيبي حبيبي  
داليا: أيوة بقى أحبي ... وحشتي  
بكري: وانتِ كمان ... انتِ فين

داليا: باقول لك إيه انزل لي على أول الشارع عايزة أشوفك  
وعاملة لك مفاجأة كمان  
بكري: كمان مفاجأة حاضر يا ريس  
أنا جاي حالاً  
داليا: كل دا حالاً .. بطيء قوي  
بكري: أنا جييت  
داليا: خضتني يا حبيبي  
بكري: مش مهم إيه المفاجأة بقى  
داليا مبتسمة: ماشي يا سيدي  
افرد إيدك  
بكري: هتخطبيني الله  
داليا ضاحكة: بس يا قرد غمض عينك  
بكري: اهو .. انتِ هتقطعي صباعي ولا إيه  
إيه دا  
داليا: دا خاتم فضه اوعى تقلعه من إيدك  
مهما يحصل هيكون دا اسمي في عينك  
بكري: بجد أنا انبسطت قوي ربنا يخليك ليَّ  
داليا: ويخليك ليَّ يا حبيبي يلا امشي سلام  
بكري: سلام

\* \* \*



(114)

الساعة: 11 مساءً

الفييس بوك شات

خالد: السلام عليكم

نور: وعليكم السلام يا اخويا

خالد: أخويا ... طيب

نور: خد يا واد هنا ما تزعلش انت اخويا وحببيي وابني

خالد ضاحكًا: أيوة كدا

نور: عايز إيه يا واد

خالد: بصي بقى بصراحة في سؤال قاتلني

نور: بعد الشر ... إيه هو

خالد: من غير زعل ... انتِ عرفتي منين إني ارتبطت بأميرة أصلاً

نور: لا انسى أنا حلفت إني مش هاقول عرفت منين

خالد: والله مش هاتضايق بس عايز أعرف

نور: وبعد ما تعرف يا خالد

خالد: ولا حاجة بس عايز اتأكد

نور: انت شاكك في حد

خالد: الصراحة أه

نور: طب قول لو صح هاقول لك صح

خالد: إبراهيم

نور: .... صح

\* \* \*

(115)

2014/12/30

الساعة: 7 مساءً

المكان: منزل ليلى

ليلى: طنط هدى عندنا غريبة دي  
 ليلى: إزيك يا طنط إيه أخبارك وإيه أخبار محمد  
 هدى: محمد كويس يا حبيبتي  
 بسم الله ما شاء الله بقيت عروسة يا حبيبتي  
 ليلى: ربنا يخليك يا طنط  
 هدى: إيه ما فيش حد كدا ولا كدا  
 علشان نفرح بيك قريب  
 ليلى ضاحكة: لا والله يا طنط, مش مرتبطة ولا حتى بفكر  
 هدى: حلو.. فين ماما بقى  
 أم ليلى: إزيك يا هدى عاملة إيه  
 هدى: كويسة يا حبيبتي انت إيه أخبارك  
 أم ليلى: الحمد لله .. خير إيه الموضوع المهم اللي قُلت لي عليه  
 هدى: .. إحم إحم  
 أم ليلى: آه .. طب يا ليلى اعملي لنا كوبايتين شاي  
 ليلى: بتطرقوني .. آه ماشي شايك إيه طنط؟  
 هدى: سكر زيادة يا سكر  
 ليلى: عيوني

\* \* \*

(116)

هدى: بصي بقى يا ستي  
انت عارفة إني عايزة أجوز محمد من زمان  
وبصراحة هو من كام يوم شاف ليلى وقال لي هي دي يا ماما  
وانا قلت مش هالاقى أحسن من ليلى لمحمد  
متريين سوا وانتو عارفيننا واحنا عارفينكم  
أه العيال بقالهم سنين مش بيتكلموا  
بس عارفين أصل بعض ودا المهم  
أم ليلى : بصي هو طبعًا ما فيش أحسن من محمد  
ولد متربي ومحترم وبسم الله ما شاء الله مهندس  
وألف واحدة تتمناه  
بس أنا لازم أسأل البنت  
لو وافقت يبقى نخليهم يقربوا من بعض  
وبعديها نعمل خطوبة  
هدى: على بركة الله هاستنى ردك  
أم ليلى: إن شاء الله  
هدى: استأذن أنا بقى  
أم ليلى: ليه ... لسا بدري  
هدى: لا يدوب سلام  
أم ليلى: سلام

\* \* \*


(117)

أم ليلى: ليلى يا ليلى  
ليلى: إيه يا ماما  
أم ليلى: هدى عايزة تخطبك لابنها محمد  
ليلى: وانا موافقة  
أم ليلى: نعم .. إيه السرعة دي  
ليلى: الواد مهندس وحلو ليه لأ  
أم ليلى في صدمة: براحتك

"أنا عارفة إني كنت عمري ما أتخيل إني ممكن أتجوز كدا  
وإني أنا اللي قررت أقبل  
بس مش كل العروض تترفض  
حتى لو عكس تخطيطك  
الدنيا فرص وانا باعرف أحسبها صح  
النصيب بقى"

ليلى

\* \* \*



(118)

أميرة: انت عايز تتقدم لي أنا  
حسين: وإيه اللي يمنع  
أميرة: اللي يمنع إننا ما نعرفش بعض  
حسين: وأنا ما قُلتش إننا هنتجوز  
إحنا لسا هنتعرف على بعض  
وبعديها أقابل أهلك  
وبعديها نتخطب  
بس كان لازم أعرف رأيك الأول  
أميرة: بس انت فاجئتني بالموضوع دا  
حسين: طيب بصي أنا هاسيبك تفكري  
ودا رقمي .....0106566  
أول ما تفكري كلميني  
أميرة: حاضر...سلام  
حسين: سلام

\* \* \*

(119)

فيس بوك شات  
الساعة: 8 ليلاً

أميرة: بت يا داليا الحقيقي  
داليا: خير يا بت في إيه  
أميرة: أنا اتقدم لي عريس

داليا: ضاحكة إيه عريس ... دا مين دا و اتقدم لك إمتى وازاي  
 أميرة: والله ما اعرف يا اختي دا المعيد بتاع الكلية بتاعتي  
 لقبته واقفني وقعد يكلمني عن نفسه  
 وقال لي إنه عايز يعرفني علشان يبجي يتقدم لي  
 داليا: كل دا حصل النهار دا  
 أميرة: أه يا اختي  
 داليا: طب انت فكرتي  
 أميرة: مش عارفة بس لسا هافكر  
 إنت إيه رأيك  
 داليا: أنا من رأيي جربي  
 أميرة: طيب .... أنا هقفل بقى علشان ماما  
 داليا: طيب يا حيي ... باي  
 أميرة: باي باي

"أنا هقبل

ما أنا مش هافضل طول عمري


محبوسة في صفحة قديمة

أنا قررت أقلب الصفحة

والنصيب قرر يساعدني على كدا واداني فرصة جديدة

ليه لأ أنا هاقبل"

أميرة



(120)

2016/1/1

الساعة 12:5

بداية سنة جديدة

"على فكرة المشاكل مش هتتحل لما نطفي النور  
أحلامك مش هتتحقق لما تعدي الساعة 12  
السنين مش هتضحك لمجرد عداد التاريخ زاد رقم  
المشكلة فينا إحنا

مش في الشهور والتواريخ أو حتى السنين  
فعلاً نقدر نحتفل بالسنة الجديدة  
لما نحس إننا عملنا حاجة لنفسنا مفيدة في السنة القديمة  
المشكلة فعلاً فينا مش في عداد العمر!!"

بكرمي

\* \* \*

بداية العام الثالث

(121)

2016/2/15

الساعة: 9 ليلاً

المكان: الفيس بوك شات

بكري: هاي يا هالة  
هالة: بكري إزبك عامل إيه  
بكري: أنا تمام يا اختي .. وانتِ  
هالة: أنا تمام  
بكري: أخبار الواد إيه  
هالة: واد مين !!  
بكري: اللي انتِ مرتبطة بيه  
هالة: لا خلاص ما حصلش نصيب  
بكري ضاحكاً: مش قُلت لك يا بنتي  
هالة: تاني يا بكري  
بكري: وانا اتكلمت انتِ اللي بتفكري مش أنا  
هالة: مش بافكر يا بكري مش بافكر  
بكري: وما لك بس اتعصبتى ليه  
هالة: ما تعصبتش يا بكري بس  
تعبت من كتر الكلام في الموضوع دا كفاية  
بكري: متأكدة؟  
هالة: من إيه!؟

\* \* \*

(122)

وخايف أوعدك ما اوفيش أقول لك فيه تلاقي ما فيش

هالة: بكري, دا عايز إيه المجنون دا

هالة: ألو يا بكري

انت مجنون يا ابني احنا مش بنتكلم فيس

بكري: لا التليفون أحسن أسمع صوتك

هالة بتجمع أعصابها: إيه يا بكري

عايز إيه

بكري: انت بتكابري ليه يا هالة

هالة: علشان ما ينفعش يا بكري

انت أكثر واحد ما ينفعش

حتى لو روجي فيه دي صاحبتني فاهمني

بكري: أنا ما طلبتتش غير إني أعرف الحقيقة بس

هالة: وبعد ما تعرف

بكري: أبقى استريحت

هالة: الحقيقة مش كلها بتريح

بكري: لا .. بتريح لو هافهم هارتاح

بتحبييني أو لأ هرتاح

هالة: عايز تعرف إيه بالظبط؟

\* \* \*

(122)


على فكرة أنا ما حبتش ليلي  
 أنا ما اعرفش يعني إيه حب أصلاً  
 أنا المشكلة إني مش عايز أبقى لوحدي  
 أنا طول عمري لوحدي  
 حواليا ناس يا ما بس برضه لوحدي  
 أنا لازم أبعد عن دا كله, هارتاح  
 أنا غلطت كتير وعقابي أبقى لوحدي

إبراهيم

\* \* \*

(123)

بكري: عايز أعرف أنا إيه عندك  
 بتحبيني ولا لأ  
 لو بتحبيني يبقى من إمتي  
 هالة آه يا بكري  
 من ساعة ماشفتك مع داليا فاكر  
 ساعتها لقيتني باغير عليك  
 عايزاك بس فوّقت نفسي إنه ما ينفعش  
 إني لازم أبعد  
 لازم أشوفك أخويا وصاحبي بس  
 لما ارتبطت كنت باهرب بجذ منك



هالة: سكتت ليه؟

بكري: عايز أسمعها منك

أنا عارف إننا عمرنا ما هنكون لبعض بس أسمعها

حقي أسمعها منك

هالة باكية وبصوت مكسور : أنا باحبك

باحبك باحبك

بكري: وأنا باحبك

هالة: أنا لازم أقفل ... سلام

بكري بيجمع قوته: سلام

\* \* \*

(124)

أنا مش ندمانة على اللي عملته

ومهما حصل كنت هاعمل كدا

أنا آه مش باحب داليا فعلاً

وباحب بكري جداً


لكن ما اقدرش أطلع وحشة وأخد حد هي بتجبه

أنا عندي استعداد أبقى طول عمري جبانة

لكن ما ابقاش ضعيفة قصاد حد

هالة

\* \* \*



(125)

قطر الحياة بيعدى بسرعة سنة في سنة

بكري: ألو

داليا: ألو ... مال صوتك

بكري: مخنوق يا داليا

داليا: ليه يا بكري

بكري: هتستحملي صراحتي

داليا: قول

بكري: أنا باحبك جدًا

داليا: جميل دا إيه الغلط اللي في كدا

بكري: الغلط في كدا

إني كمان باحب هالة

داليا: نعم ... هالة. بتحبها؟

بكري: أه وبصراحة محتار جدًا

داليا في صدمة: لا. بجد ويا ترى في حيرة

تختارني ولا تختارها ولا يمكن تختارنا احنا الاتنين؟

بكري: داليا أنا مش ناقص أنا بجد مخنوق

داليا: والحل يا بكري

بكري: أنا هاخذ راحة كام يوم أفكر فهم

وساعتها اختار

\* \* \*

(126)

بكري: عارف كلامي صعب عليكي بس  
داليا: اختار يا بكري  
بس لو اخترتها اوعى في يوم تزعل مني  
على أي حاجة ممكن أعملها  
بكري: هتعملي إيه؟  
داليا: وحياة أمي لا أرد لك ساعتها الوجع أضعاف  
هابكيك ساعتها يا بكري  
بكري: أنا عمري ما ابكي على حاجة ولا حد  
داليا: هنشوف يا بكري  
بكري: هنشوف يا داليا  
داليا: كلامي خلص .. وهستنى ردك . سلام  
بكري: سلام

"أنا عارف إنني غبي وصراحتي توجع  
بس كان لازم أصارحها  
لأنني بجد محتار .. الاختيار فعلاً صعب"  
بكري

"وحياة أُمي دي آخر فرصة هاديها لك يا بكري  
بعديها هتشوف جبروت الدنيا كله في  
هاكسرك وزي ما قُلت هاخليك تعيط فعلاً  
كفايه ذل بقى البادي أظلم"

داليا


\* \* \*

(127)

حبيبتي أنا باعترف إني ليك مش باصون  
أنا معنى كلمة باخون  
واكمني طفل ساذج  
بيجري عليك ويجري عليها  
نصي ليك ونصي لها  
بس النصيب  
مش بإيدك ولا بإيدي ولا بإيديها  
أنا قررت أسيب الكل  
واعيش لوحدي تاني  
قضي الأمر

بكري

\* \* \*



(128)

فيس بوك بوست

باركوا لي يا جماعة  
أنا كانت خطوبتي النهاردا  
ياريت ما حدش يزعل كانت عائلية قوي  
تتعوض في الفرحة الكبيرة  
ودي صورة أنا وخطيبي محمد ربنا يخليه ليّ

ليلى

يا للقدر أول إعجاب على هذا الكلام  
يكون أنا فعلاً، النصيب شكراً يا ليلى ومبروك

إبراهيم

\* \* \*

(129)

فيس بوك شات

داليا: أظن كدا كفاية قوي في الوقت وحتي أعرف قرارك  
بكري: لازم النهاردا؟  
داليا: أه يا بكري  
بكري: داليا .. انتِ أكثر واحدة حبيتني في حياتي  
داليا: وعمايز الحق؟ انت عمرك ما حبيتني

بكري: أنا آسف بس أنا مجنون  
 داليا: ياريت تفوف من الوهم يا بكري  
 بكري: أنا قررت أعيش لوحدي من غير حد  
 كفاية قوي لحد كدا عمال أوجع وادوس على أي حد  
 تعبت من نفسي حتى التعب تعب مني  
 أنا هاسيب الكل وامشي  
 داليا باكية: براحتك يا بكري  
 بس افكر الكلمتين دول كويس  
 أنا عمري ما أذيتك صح؟ وانتِ أذيتني كثير  
 هبيجي اليوم اللي كل دا تشوفه في نفسك  
 وزى ما قُلت لك هبيجي اليوم اللي أنا أخليك تعيط فيه  
 دا لو عرفت تعيط  
 صح أنا اللي غبية لتاني مرة صح  
 شكرًا قوي ... سلام  
 بكري: سلام

\* \* \*

(130)

### العام الثالث الترم الثاني

تذكر آخر مرة شفتك سنتا  
 خالد: دي نور وانا ما ليش مزاج أرد الصراحة  
 بس لازم أرد علشان أخلص  
 خالد: ألو

نور: إيه يا حبيبي ... عامل إيه  
خالد: الحمد لله ... انتِ إيه أخبارك  
نور: كويسة يا حبيبي طول ما انت كويس  
خالد: بس انا مش كويس يا نور  
نور: ليه بس يا حبيبي  
خالد: مخنوق يا نور مخنوق زهقان  
نور: من إيه بس؟  
خالد: من نفسي ضغط مذاكرة وبيت وانتِ  
نور: وانا !!! أنا ضغط عليك يا خالد  
خالد: آه يا نور ضغط  
وضغط قوي كمان  
نور: ليه إن شاء الله ضغطت عليك في إيه  
باطلب منك إيه يتعبك ... رد  
خالد: أنا بجد تعبت قوي

\* \* \*

(131)

نور: خالد ... من الآخر عايز إيه  
خالد: مش عارف بس ...  
نور: من غير بس . أسهلها لك أنا  
انت عايز تبعد  
ومش عارف ازاي تقولها  
وكالعادة دي مش المرة الأولى

صح .. مش هو دا كلامك اللي هتقوله  
 شُفت بقى أنا حافظة ازاي  
 تحب أكمل ولا كفاية  
 خالد: أنا مش عارف أقول لك إيه ..  
 نور: لا أنا اللي هاقول لك .. امشي  
 والمرّة دي بجد  
 كل واحد فينا من طريق  
 ربنا يوقفك يا خالد وترتاح  
 نور: أنا هاقل عايز حاجة سلام


\* \* \*

(132)

أنا مابيقتش ما باحبش خالد؟  
 ولا بقيت باردة؟  
 بس بمعنى أصح اتعودت على الوجع من كتر ما حسيته  
 فمابقاش يَأْثُرْفِيَّ  
 بقيت عارفة إنه إنه جاي يواجي صوت نفسه قبل ما يتكلم  
 حفظته من كتر ما سمعته  
 بس لازم يفهم إن القزاز لما يتكسر وتحاول تلمه هيعورك  
 ملعون أبو قلب اللي يحبك  
 بس يلا بقى نصيب

نور

\* \* \*



(133)

أنا مش بارد بالعكس

أنا باحها

بس دا طبيعي ربنا خلقني باكره الروتين

وقت ما باحس بخنقة باهرب حتى لو نفسي أعمل إيه بقى

دا طبيعي والنصيب بقى

خالد

\* \* \*

(134)

جميل اننا نؤمن إن النصيب ليه سبب في تصرفاتنا

دا طبيعي

بس اللي مش طبيعي

إننا نؤمن إن النصيب هو السبب في كل حاجة

واحنا يدوب هوا النصيب بيحركنا

بلاش حجج الواحد هو المسؤول عن تصرفاته مش النصيب

\* \* \*

(135)

الحمد لله

النهاردا اتقرأت فاتحتي على أحن حد في الدنيا

ربنا يحفظه ليا معيد قلبي يا ناس

ربنا يخليك لي يا حبيبي

وتفضل دايمًا جنبي ومعاي يارب

باركوا لي

أميرة

\* \* \*

(136)

فيس بوك شات

داليا: مبروووك يا أجمل عروسة

أميرة: الله يبارك فيك يا حبيبتي عقبالك

داليا: لسا يا اختي شوية

صح ما عزمينيش يا ندلة

أميرة: والله يا حبيبتي كان يدوب أهله وأهلي وبس كدا

لكن في الخطوبة انت معاي أصلًا طول اليوم

داليا: طبعًا يا بت من غير ما تقولي

بس ساعتها مش هأجي لك لوحدي

أميرة: إيه .. أمال مع مين يا بت

داليا: بعدين هاقول لك خلينا بس نفرح بيك

اتمخطري يا حلوة يا زينة

أميرة: لولولولي  
داليا: أيوووة بقى  
أحي هيصي وزغردي  
أميرة: بجد بجد أنا مبسوطة  
وفرحالة قوي يا بت

\* \* \*

(137)


ليلى: إيه يا بت يا نور عاملة إيه؟  
نور: تمام يا حبيبتي انتِ إيه أخبارك  
ليلى: كله تمام يا كبير  
نور: والواد العريس عامل إيه  
ليلى: الحمد لله يا بت  
إيه مش بتشوفي حد من العيال  
لا والله يا أختي مش باشوف  
ليلى: ولا البت أميرة  
نور: المهم إيه مش هنشوفك يا عروسة ولا إيه  
ليلى: أنا فاضية على طول يا اختي هتقولي يلا هاكون معاك  
نور: خلاص هاشوف اليوم واكلمك وننزل سوا  
ليلى: تمام جدًا  
وانا معاك وهاستنى تليفونك  
نور: تمام علشان واحشاني جدًا

ليلى: والله وانتِ واحشاني اللمة  
والرغي والنم على خلق الله  
نور: والله وانا يا بت واحشني إني اضحك حتى  
ليلى: خلاص يا بت هننزل ونضحك وناكل وكل حاجة  
نور: أيوة بقى  
ليلى: تمام بقى

\* \* \*

(138)

إبراهيم: إزيك يا خالد عامل إيه  
خالد: أهلاً إزيك يا صاحبي  
إبراهيم: الحمد لله انت إيه اخبارك  
خالد: تمام الحمد لله أصيل يا صاحبي  
إبراهيم: بص يا صاحبي طالب منك طلب من غير ما تسأل ليه  
خالد: طلب! اتفضل  
إبراهيم: عايزك ما تزعلش مني مهما كنت عملت  
خالد: وانت عملت حاجة تزعل يا صاحبي؟  
إبراهيم: عملت كتير قوي ويمكن تكون عرفت حاجات كتير منه  
لكن مش عايزك تزعل مني  
أنا غلطت في حقك كتير قوي  
خالد: بص يا ابني بحق العشر والعيش والملح  
واننا مش صحاب يوم إحنا ما بيننا سنين



أنا هاعدي بس مش هانسى  
هاعدي علشان لما نشوف بعض تقدر تسلم عليّ ووشك في وشي  
إبراهيم: ودا اللي أنا عايزة  
ونفسي نتجمع كلنا أنا وانت والواد بكري و علي  
واحشني جدًا  
خالد: خلاص تمام لما نتجمع هاكلمك  
إبراهيم: وانا هاستنى تليفونك  
ومرة تانية ما تزعلش مني

\* \* \*

(139)

على فكرة اللي ليه حق  
مش لازم ياخده  
إحنا مش في حرب  
علشان نرد القلم مية  
الي يقدر يعفي  
وانك تخلي الشخص الغلطان في حقك ما يقدرش يبص لك  
دي أحسن طريقة تاخذك حقك بيها

\* \* \*

(140)

2016/4/20

آخر خيوط النهاية

\* \* \*

(141)

مَتَى يَا كِرَامَ الْحَيِّ عَيْنِي تَرَاكُمُ \*\* وَأَسْمَعُ مِنْ تِلْكَ الدِّيَارِ نِدَاكُمُ  
وَيَجْمَعُنَا الدَّهْرَ الَّذِي حَالَ بَيْنَنَا \*\* وَيَحْضَى بِكُمْ قَلْبِي وَعَيْنِي تَرَاكُمُ  
أَمْرُ عَلَى الْأَبْوَابِ مِنْ غَيْرِ حَاجَةٍ \*\* لَعَلِّي أَرَاكُمُ أَوْ أَرَى مَنْ يَرَاكُمُ  
أبو مدين التلمساني

\* \* \*

(142)

اللي اتعود على الحب

صعب يقدر يعيش من غيره

وانا مش قادر أعيش لوحدي تاني بصراحة

أنا هارجع لها والمرة دي بجد عمري ما هاسيها

وانا عارف إن داليا لسا بتحبي

ومتأكد إنها هتخادني في حضنها

أول ما تسمع صوتي

وحشتيني قوي يا داليا

بكري

(143)

في كدا في الدنيا باحب كل ثانية  
داليا: أكيد هو ..  
بكري ودا بيتصل ليه دلوقتي دا  
داليا باستغراب: ألو  
بكري: ألو ... إزيك يا داليا  
داليا: كويسة يا بكري .. وانت  
بكري: الحمد لله, وحشتيني  
داليا: نعم !! إيه المناسبة  
بكري: المناسبة إنك وحشتيني فعلاً  
ومتأكد مليون في المية إني باحبك  
داليا بضحكة استهزاء: إيه ... ضحككتني والله  
بكري: بصي عارف إني ضايقتك وزعلتك كتير  
بس هاعوضك عن كل حاجة  
داليا: يااه... متأخر قوي الكلام دا  
ما بقاش ينفع دلوقتي يا بكري  
بكري: ليه بس  
أنا جيت اهو وبوعدك إن الدنيا هتبقى تما..  
داليا: بكري  
بكري: أيوة  
داليا: أنا ارتبطت

\* \* \*

(144)

بكري: بلاش رخامة بقى أنا باتكلم جد

داليا: وانا كمان على فكرة

بكري: يا داليا أنا عارف إنك لسا بتحبييني

وانا بجد كمان باحبك ...

سامحي بقى

داليا: انت ليه مش مصدق إني ارتبطت

هو انا مش بني آدمة ولا إيه

لقيت حد يحبني وانا أحبه

خلاص يا بكري

بكري: لا مش خلاص انت كدابة

انت لسا بتحبييني أصلاً

داليا ضاحكة: لا يا بكري

بكري غاضباً: ما تكديش بقى

انت لسا بتحبييني


قولي

داليا: لازم تصدق يا بكري

بكري: مش هاصدق

داليا: ثواني هاثبت لك

\* \* \*



(145)

داليا: خليك معاي  
بكري: طيب  
داليا تتكلم في تليفون آخر  
ألوايه يا حبيبي روح  
طيب خلي بالك وانت بتسوق علشان خاطري  
هههههه ماشي يا حبيبي  
أول ما تروح طمني  
سلام  
داليا: ألو.. بكري  
ألو... قفلت؟ ما تزعلش بس قُلت لك في يوم مش هتلاقيني  
\* \* \*

(146)

الفيس بوك بوست  
طول عمري كنت بادعي ربنا تكوني نصيبي  
لكن النهاردا حرمتي عليَّ ليوم الدين  
بكرمي

\* \* \*

(147)


2016/5/15

وحشتيني على فكرة  
 وفاكر انك قُلْتِ لي في يوم إني مش باقدر أعيط  
 وفاكر لما رديت عليكِ وقُلْتِ لكِ  
 إن ما فيش لا حاجة ولا حد يقدر يعيطني  
 بس أنا فعلاً نفسي أحضنك واعيط  
 عارف إن دا بقى مستحيل بس نفسي  
 نفسي بجد علشان أرتاح  
 وعلشان أعرفك إن في حاجة اتخلقت تخليني أعيط  
 وهو انتِ  
 لأول مرة بجد باتمنى حد يشوفني وانا بيعيط هو انتِ  
 انتِ !! بقى مستحيل دلوقتي  
 بلكري

\* \* \*

(148)

فترة هدوء الجميع يحاول التأقلم على الوضع  
 الجميع يحاول أن يحب  
 إما أن يحب نفسه بعد كل هذه الأحداث  
 وإما أن يحاول أن يحب شخصاً آخرًا  
 ولكن لا جديد يذكر



(149)

المكان: قهوة الخليفة

2016/9/15

الساعة: ال 7 مساءً

خالد - إبراهيم - بكري - على - عبد الهادي

الكل صامت بدون ذكر أسباب

ألحان لأغنية

تبدو معروفة لهم

"لو كنت بس ساعتها عارف

إن دي المرة الأخيرة

مئة مئة كات هتفرق في الوداع"

بنظرة غريبة من خالد للجميع

بكري في دهشة - على مبتسم - إبراهيم صامت

خالد: لا مش دي النهاية اللي كانت مناسبة لينا

أنا ما لحقتش أشبع من صحابي

أنا هابعت رسالة لكل بكرة الساعة 11 عند ساحة آداب

كلنا هنتجمع تاني ولو لآخر مرة نلقي نظرة أخيرة على بعض

إرسال لـ نور - أميرة - داليا - ليلي - هالة

واحنا بلا نروح نلحق ننام علشان نقوم بكرة

الجميع يلا

ليلي: نور، جات لي رسالة غريبة من خالد بكرة الساعة 11

نور: وأنا كمان وهاروح

ليلي: وانا كمان يلا ننام علشان نقدر نروح  
هالة: تمام أنا هاآجي  
أميرة: بت يا داليا وصلت لك الرسالة؟  
داليا: أه ويلا ننام علشان نلحق نروح .. يلا  
\* \* \*

(150)

2016/9/16

الساعة: 11

المكان: ساحة آداب

أحب أعرفكم بنفسي أنا.. خالد عبد الرحمن  
أنا باختصار  
الشخص اللي ما يعرفش يعيش يوم من غير حب  
أو بمعنى أصح  
الحب ما يعرفش يعيش من غيري في يوم  
أنا باعشق الهدوء، السلام، الحب، الليل وفيروز  
دايمًا باحب أبقى ملفت للأنظار  
أنا غير أي حد وأي حد غيري  
أنا اللي مكون الشلة دي أحب أعرفكم بيها  
دي نور عادل آخر بنات الدنيا في قايمني  
كان ليها في حياتي سحر غريب دايمًا بيقوله  
إن الإنسان ليه نصيب من عيونه

وأنا نصيبي إني باعشق العيون فعشقتها  
ودا هاني بكري أوزي ما كله بيقوله بكري صاحب عمري أو ابني  
جميل انك يبقى عندك صاحب عمر  
وتحس إنه ابنك  
لكن صعب لما يبقى عكسك في حاجات كتير  
بتبقى مسؤولية  
ودي داليا شاهين أعرفها من ابتدائي  
لكن عمرنا ما اتكلمنا  
لكن الحاجة الوحيدة اللي باستغريها في داليا  
إن عينها دايمًا شائلة سر  
وأخيرًا إبراهيم حجاج هو طيب  
بس غبي ودي تكفي على وصفه  
والباقي أنا لسا ما اعرفهمش أه  
بس حاسس إن هيبجي اليوم اللي اعرفهم فيه  
واحكي عنهم بس مش دلوقتي  
لسا  
النصيب....

\*\*النهاية\*\*

## الخاتمة

إهداء إلى كل الأصدقاء

الذين اعتقدنا أنهم باقون لنهاية العمر

ولكن نبحت عنهم الآن في جميع الأصدقاء

الآخرين

ما بين الواقع و الخيال تنتج هذه الأحداث

\* \* \*

جميع حقوق الطبع والنشر محفوظة ©

لدار بنت الزيات

49351 المشهرة قانوناً بسجل تجاري رقم /

الجيزة دائري - نزلة شارع القومية العربية - برج النور - الدور 8



Facebook Page: دار بنت الزيات للنشر والتوزيع

E\_mail: bentelzayat1@gmail.com

Website: www.bentelzayat.tk

Tel.: 01066736765 - 01027674739